

23642

899.962
n-91

899.962.1-1 | *Родина*
1-93 | *Родина*

1002
6302

23/03/97 | 1032 | 1

50 - 20/1525

ՅՈԹԱ ՐՈՒՍԹԱԻԵԼԻ

Լ Ն Զ Ե Ն Ա Կ Ո Ր Ը

Պ Օ Հ Մ Ա

ՀԵՂԻՆԱԿԻ ԿԵՆՍԱԳՐՈՒԹԵԱՄԲ ԵՒ ԿԱՐԵՒՈՐ ՏԵ-
ՂԵԿՈՒԹԻՒՆՆԵՐՈՎ,

(Երկու պատկերով)

Հ Ա Մ Խ Ո Շ Ե Գ
ՅԱՐՈՒԹԻՒՆ ՄԻՐԻՄԱՆԵԱՆՑ

Թ Ի Ֆ Լ Ի Ս

Տպարան Մ. Դ. Թօսինեանցի

Տիոգր. Մ. Դ. Ռոտինյանց, և Գոլ. պր., ձ. № 41.

1896

ՅՈԹԱ ՐՈՒՍԹԱՒԵԼԻ

899.962
R-94 4

ՀԵՂԵՆԱԿՈՐԸ

q O k U u

ՀԵՂԻՆԱԿԻ ԿԵՆՍԱԳՐՈՒԹԵԱՄԲ ԵՒ ԿԱՐԵՒՈՐ ՏԵՂԵԿՈՒ-
ԹԻՒՆՆԵՐՈՎ,

100

(Երկու պատկերով)

2003

Համառօտեց



ԹԻՖԼԻՍ
Յպարշն Մ. Պ. Ռոսինեանցի
Տիպogr. Մ. Դ. Ռոտինանց, նա 1օլ. պր., ճ. № 41.
1896

5013

ՀԱՅՈՒԹՅԱՆ

ՎԱՀԱՐ


ՀԱՅՈՒԹՅԱՆ ՎԱՀԱՐ ՀԱՅՈՒԹՅԱՆ ՎԱՀԱՐ

Дозволено цензурою. Тифлисъ, 24 Апрѣля, 1896 г.

5009

ՀԱՅՈՒԹՅԱՆ
ՎԱՀԱՐ

ՀԱՅՈՒԹՅԱՆ
ՎԱՀԱՐ
ՀԱՅՈՒԹՅԱՆ
ՎԱՀԱՐ



Շնոթա Ռուսիականի



(Արտաստպւած «ՄՈՒԲՃ» ամսագրից)

ՀԱՌԱԶՄԱՆ

ՅԱՐԱՋԱԲԱՆ

«Ընձենաւորը»¹⁾ վրաց աղջի անցեալի գրական ամենայնայն արտադրութիւնն է։ Այս գրքի գոյութեամբն է, որ պահպանւել է վրացոց մէջ այն ճոխ լեզուն, որ գործ էին ածում հեղինակի կեանքի օրօք, այն է՝ 12-րորդ դարում։ Այդ գրւածքի հեղինակը ընծայեց վրաց ազգին այնպիսի մի գանձ, որ անգնահատելի է։ Դա մի ընդարձակ պօէմա է, որի հետ ծանօթութիւնը հայ ընթերցող հասարակութեան համար անհրաժեշտ է։ Այդ մենք կը կատարենք «Ընձենաւորը» վերածելով համառօտ պատմևածքի, գիտենալով հանդերձ, որ դորանով պէտք է սախուած լինենք գոհել բնագրի տաղաւախութեան շատ գեղեցկութիւնները։ Ասենք հէնց այս տեղում, որ Նոթա Ռուսթաւելու «Ընձենաւորը» վազուց արդէն իւր վրայ է դարձրել նաև եւրոպացի բանասէրներից ոմանց ուշադրութիւնը։ Վրաց գրականութեան լուսատու ասողը և բանաստեղծների նահապետ Նոթա Ռուսթաւելին ապրում էր 12-րդ դարում Թամար թագուհու ժամանակ։ Այդ երեսում է նոյն իսկ «Ընձենաւորին» չառածաբանից և զանազան

¹⁾ Ընծու մորթի հազած մարդը. վրացերէն «Վեփիսւիստառասանի» (ՅԵՖԵՅՆ ՇՊԱՆՏԱՆ)։

պատմագիրների առաջ բերած փաստերից (Բրոսէ, Բաք-
րաձէ, Եսուելիանի և այլք):

Նոթա Ռուսթաւելին ծնւեց Ախալցխայի մօտ գտըն-
ւած Ռուսթաւ գիւղում¹⁾; Ինքը Ռուսթաւելին ասում է
իւր համար՝ «Գրում եմ մի ոմն Մեսխի բանաստեղծու-
թաւ գիւղից»: Ռուսթաւի այն մասը, ուր ծնւել է
հեղինակը, կոչում էր Սամսնիէթ (վրացերէն՝ Սամս-
սէթի), այսինքն Մեսխանց թաղ, ուստի և հեղինակը կոչ-
ում է երբեմն Մեսխի:

Ռուսթաւելու ծննդավայրի մասին կան թեր և դէմ
կարծիքներ. բայց, նայելով ժողովրդի մէջ պահպանւած
աւանդութեանց, հաւանական է, որ Ախալցխի կողմերը
լինի: Ռուսթաւելու ծննդեան տարին ճիշտ յայտնի չէ.
մի հին ձեռագրում միայն նշանակւած է 1172—1216:
Նոյնպէս զրականապէս յայտնի չէ թէ նվազեր են եղել
Ռուսթաւելու ծնողները. մի կասկածաւոր ձեռագրից
յայտնի է, սակայն, որ նորա հայրը սարկաւագ է եղել:
Ռուսթաւելին մեծացել է հայրենի գիւղում; ապա նրան
տւել են Տբէթի վանքի (Արտինի շրջանում, Աճարյում,
այժմ մահմեղական վրացոց մզկիթ) վանականներին,
որոնց մօտ նա գրել-կարդալն է սովորել: Տբէթի վանքից
բերել են Կախէթի Գրէմ քաղաքի արքունիքը²⁾: Այդ
պալատում նա մնացել է հինգ տարի, ապա կրթւել է
հոլալթուի (Թելաւի մօտերքը) դպրոցում: իսկ այդտեղից
ուղերուել է Աթէնք կատարելազործւելու: (Այս տեղնկու-
թիւնները հանւած են մի հին ձեռագիր պատմութիւնից,

1) Ներկայումս ադ տեղում կաէ Ռուսթաւ անունով պատի կապարան:

2) Թելաւի մօտերքը՝ այժմ աւերակ և համանուն գիւղ:

որ մինչ օրս էլ չի հրատարակւել): 22 տարեկան հասա-
կում նա Աթէնքից դարձաւ Վրաստան:

Զնայած, որ Ռուսթաւելու ընձենաւորը արդէն մի
պատկառելի գրականութիւն ունի թէ վրաց և թէ օտար
լեզուներով, բայց մինչև այժմ չի որոշած թէ ինչ է
եղել նրա իսկական անունը և որպեղից են նրան նոթա
անունը տւել: Խսկ ինչ վերաբերում է Շուսթաւելին կոչ-
ման, ինքը հեղինակը հետեւալն է ասում իւր գրւած-
քում: «Ես, աղհետառվ Շուսթաւելի, այս գործին եմ
ձեռնարկել». Ինչպէս ընթերցողն էլ կը նկատի, Ռուսթաւե-
լին արհեստ է եղել բայց ինչ արհեստ էր այդ—յայտնի չէ:

Մի աղբիւր միայն կաց նրա իսկական անունն իմա-
նալու համար. այդ՝ Երուսաղէմի վրաց Ս. Խաչ վանքում
նկարած Ռուսթաւելու պատկերի տակ եղած արձանա-
գրութիւնն է. բայց ցաւօք սրտի մինչ օրս, չնայած բազ-
մաթիւ ուխտաւորների, չի կարդացւել: Զ. Ճիմինաձէի
տաելով, մի հին ձեռագրի համեմատ նրա աշխարհական
անունն եղել է Շուսթա (հայերէն Աշոտ), իսկ Երուսաղէ-
մում ճգնելիս Շիօ անունն է ստացել:

Կարծում են, որ Ռուսթաւելին այն երիտասարդնե-
րից մինը պիտի եղած լինէր, որոնք 12-րդ դարուց սկսած
Դաւիթ Աշխարհաշէն թագաւորի կարգադրութեամբ ու-
ղարկում էին Աթէնք կրթւելու, ինչպէս յիշատակում է
հայոց 13-րդ դարու Վարդան պատմիչը. նոյնն են վկա-
յում՝ Թէյմուրազ թագաւորի գրւածքները: Վերջնոյն
ասութեամբ Ռուսթաւելին բաւական ժամանակ մնացել է
Աթէնքում և ուսումնասիրել է աթէնական աստւածա-
բանութիւնը և փիլիսոփայութիւնը. այդտեղ նա պիտի
ուսումնասիրած լինի նոյնպէս և արաբական ու պարսկա-
կան լեզուները:

«Ընձենաւորի» մի հին ձեռագրի վերջում մի անյայտ ոմն գրում է. «Նոթան մեծ ազգի որդի էր. գնացել է Յունաստան, ուր կրթւել է ժիւրիա» վրաց վանքում և Աթէնքում նա լսել է փիլիսոփացութիւն, ասուածաբանութիւն, ճարտասանութիւն... ուսումնասիրել է հայոց Վ.-րդ դարու փիլիսոփայ Դաւիթ Անյաղթի գըրւածքները, վրացի փիլիսոփայ Յովհաննէս Պատրիկի միջոցով:

Վրաստանի հին և նոր պատմագիրների վկայութեամբ Թամար թագուհու ժամանակները վրացոց համար եղել է ոսկէ դար, այսինքն տէրութիւնը հաստատ հիւքերի վրայ էր գրւած. թաւագանաուրները (իշխան-ազնւականներ) ոտի կանգնած թշնամիների վրայ ահ էին ազդում, շինուում էին բերդեր, աշտարակներ, վանքեր, կուսանոցներ, պալատներ և այլ հաստատութիւններ. ծաղկում էր և գրականութիւնը¹⁾: Ահա այդ ժամանակներում իբրև արքունական գանձարանի կառավարիչ, որպէս հաստատակամ մարդ՝ նշանակւում է Ռուսթաւելին:

Ե՞րբ է գրւած «Ընձենաւորը», ինչ առիթով է գըրւել նա, և ինչ կարեորութիւն է նա ներկայացրել վրացոց համար:

Ոմն Զախրուխաձէ, որը 1195 թւականին Թամար թագուհու գովեստն է գրել, յիշում է նաև Ռուսթաւելուն: Պարզ է ուրեմն որ Ռուսթաւելին այդ թւականից առաջ է գրել իւր պոէման. բայց որովհետեւ ոմն Եովանէ, որը նոյնպէս Թամարի գովեստն է գրել, բայց արդէն

¹⁾ Վրաց պատմութեան այդ շրջանի համար տես «Մուրճ» 1895 թ. № 11 (Նուեմբեր) «Վրաստանի անցեալը» Ա. Արամիանեանցի:

1188 թ.-ին, և Ռուսթաւելուն չի յիշում, դորանից եղրակացնում են, որ պօէման պիտի գրւած էինի այդ երկու ժւականների միջև, այն է 1188—1195 թ.-ին, այսինքն ութ տարւայ միջերքում: Թէ աւանդութիւնը և թէ նոյն իսկ Ռուսթաւելու հետևեալ խօսքերը՝ ևս արհեստով Ռուսթաւելի, ձեռնարկել եմ մի այսպիսի բան. ում որ սպաների գունդը հնազանդում է՝ նրա համար եմ աշխատում, նրա համար եմ մեռած. սիրելու կարօտ մնալով՝ ոչ մի դեղ չեմ գտնում. նա պիտի տայ ինձ կամ բժշկութիւն կամ գերեզման», առիթ են տալիս կարծելու, որ նա Թամար թագուհու սիրուց գրգւած է գրել իւր սիրահարական հրաշալի կտորներով լի պօէման: Ռուսթաւելին իւր գրւածքով նկարագրել է Թամար թագուհու գեղեցկութիւնը, ողորմածութիւնն և իմաստութիւնը, նոյնպէս և նշանաւոր մարդոց արժանիքը և զանազան յատկութիւնները. բայց որովհետեւ ժամանակից անձնաւորութեանց անունները յականէ անւանէ չէր կարելի տալ, ուստի պոէմային նա տեսեց հեքեաթի ձե. իսկ գործողութիւնները փոխադրեց Սրարիա:

Ահա և վրաց մէջ պտտող մի աւանդութիւն, որ պ. Գէորգ Աստւածատրեանը, լսելով մի վրացի հովուց, զետեղել է տաղաչափութեամբ «Աղբիւր»ի 1890 թ. մարտ № 3 համարում «Ռուսթաւելու սէրը» վերտառութեամբ:

Թամար թագուհին ինչպէք է տալիս իր իշխաններին. ամենքն էլ ուրախ են, որ երկարատե պատերազմներից յետոյ զարձեալ միմեանց կենդանի են տեսնում: Տիսուր է միայն Նոթան և չի հնչում նրա քնարը: Թամար թագուհին նկատելով նորա դէմքի թախիծը, ասում է.

— Ձէ որ ազատ է քո Վրաստանը, ինչու ես տխուր: — Այո, ազատ է Վրաստանը, բայց ես գերւած եմ,

պատասխանեց խոր հոգւոց հանելով Ռուսթաւելին։ Այդ
ասելով վերցնում է քնարը և երգում լոյսը սիրող այն
թիթեռի մասին, որ մինչև անգամ թևերն էլ այրում
ու վերջը ինքն էլ ացն լոյսին զոհ է գնում։
Թամարը նկատելով որ շատ տիսուր է հնչում նրա
քնարը՝ ասաց.

— Միթէ հնար չկայ քեզ օգնելու։

— Աչ, մահս մօտ է։ ահա այս գրւածքս կարդա և
ինձ յիշիր։

Իշխանները խնդրում են որ ինքը կարդայ։ նա էլ
կարդում է «Ընձենաւ որը» պոէման։ Ունկնդիրները այն-
պիսի խորին ուշադրութեամբ էին լսում, որ կարծեա թէ
պապանձել էին։ Թամարն այդ գրւածքի համար առա-
ջարկեց իւր ամբողջ գանձը։ այդ րոպէին Ռուսթաւելին
չոքեց նրա առաջ և հնչեցրեց լարերը, երգելով թէ այն
թիթեռը՝ ինքն է, և լոյսը՝ Թամարը։ Վերջացնելով ըն-
ծայեց նրան իւր գրւածքը։ Թամարը կատաղած հրամա-
չեց նրան անյապաղ հեռանալ Վրաստանից, ասելով. «հե-
ծիր շուտ նժոյներիցս մինը, ապա թէ ոչ դահիճները
գլուխի կը թացնեն։» Վշտալի ու յուսակտուր Ռուսթաւե-
լին անիծում է Թամարին նրա սառնասրտութեան հա-
մար, յայտնում է, որ այնուամենայնիւ նա միշտ իրան
կը յիշի և նրա աչքերիցը արտասուքը չի հատնիլ։ Զարդ
ու փշուր անելով քնարը՝ նա անհետացաւ։

Ասում են քաղաք կամ ամրոց ու պալատ շինելիս
Թամարը միշտ յիշում էր Ռուսթաւելուն և արցունքներով
թրջում հիմքերը։

Տարած աշխարհ մօտուր II Հայության պատմութիւն

Վրաց պատմագիրները պատմում են, որ երբ Ռուս-
թաւելին «Ընձենաւ որը» գրեց, նա արքունական պալա-
տում այնպէս գրաւիչ կերպով կարդաց, որ նրանից յետոց
շատերը երանի էին տալիս նրա կարդալուն։ Նրա լնթեր-
ցումն այնպիսի տպաւորութիւն թողեց ամենքի վրայ, որ
իւրաքանչիւրը նրանցից աշխատում էր ձեռք բերել այդ
գրւածքը ու արտագրել՝ լնդմիշտ տանը ունենալու հա-
մար։ Մինչև անգամ սկսեցին հարսանիքներում այնտեղից
կտորներ երգել։ Այդ սովորութիւնը մնացել է մինչև մեր
օրերը. այսպէս, օրինակ, պր. Եսուլիանին վերջերս Պու-
շկի դաւառում պատահել է մի հարսանիքում այդ պոէ-
ման երգելիս։ Նոյնն է նկատում նոյնպէս մահմեդական
վրացոց մէջ (Բաթումի շրջակացքում), ուր շատերը ան-
գիր զիտեն այդ պոէման։

Բայց որովհետեւ հնումն այնքան թողթ չէր ճար-
ւում, որ ամենքն էլ արտագրել կարողանացին, ուստի ազատ
ժամերին հաւաքւում էին ձեռագիրը ունեցողի մօտ և
տեղն ու տեղը անգիր անում։ Այդպէս էին վարւում
աւելի կիրակի օրերը, ուստի հոգևորականութիւնը վերա-
բերւում էր թշնամանքով այդ երևոյթին։ Հոչակաւոր
պօէման վերջ ի վերջոց այնքան է տարածւում, որ աղջիկ
մարդու տալու ժամանակ սովորութիւն է գառնում տալ
նրան նաև մի օրինակ «Ընձենաւոր» իբրև օժիտ։ Միով
բանիւ այդ գրւածքը գարձաւ ժողովրդի սիրտն ու հո-
գին։ Նոքա այնտեղ գտնում էին անձնազոհութեան, նե-
ղեալներին օգնելու գաղափարները, հաւատարմութիւն և
իմաստալից առակները. օրինակ՝ 12-րդ դարում մարդիկ
կանանց բանի տեղ չէին դնում։ Ռուսթաւելին, այդ բանը

նկատելով, վարդապետում է՝ «առիւծի կորիւնը առիւծէ, էկ լինի թէ արու»:

Հին մարդկային կեցութիւնը հիմնւած էր ստրկութեան և ճորտութեան վրայ. Ռուսթաւելին հակառակն է քարոզում. «առուր չքաւորներին գանձի, ճորտերիդ՝ ազատութիւն»:

Ռուսթաւելու ժամանակակից մարդիկ կենդանի շունը գերադասում էին մեռած առիւծից. իսկ նա քարոզում է՝ «անւանի մահը գերազասելի է արատաւոր կեանքից»:

Յեղական ծագումը մեծ նշանակութիւն ուներ Ռուսթաւելու ժամանակ քան թէ արժանաւորութիւնը. բայց նա, հակառակն էր պնդում. «հազարով ծագումն (աղդ) գնահատեց, տասը հազարով կրթութիւնը. բայց եթէ մարդս ինքը լաւ չէ ոչինչ է նրա ցեղական ծագումը»:

Փողովրդից վարակեցան և քահանաները. իսկ կղերականութիւնը աւելի ևս գրգռւեց. բանն այնուեղ հասաւ, որ Թամարին ժամանակակից վրաց Յովհաննէս կաթողիկոսը սկսեց յացնի կերպով քարոզել ընդումը Ռուսթաւելու պոէմայի և անիծել նրա ընթերցողներին: Բայց ոչ մի միջոց չէր օգնում նրա տարածմանը առաջն առնելուն. վերջը կաթողիկոսը և ամբողջ հոգևորականութիւնը այն աստիճանի խիստ ամբաստանում են այդ գրւածքը Թամար թագուհու առաջ, որ հեղինակին արքունիք են կանչում դատի և իրանց փափագին համում: «Ենձենաւորը» հոչակել են տալիս իրբե մի անբարոյականացուցիչ գրւածք, որ դա ժողովրդին արգելը է լինում նոյն իսկ աստւածալաշտական պարագիք հատուցանելու և որ այդ գրւածքով շօշափելում է Թամար թագուհու պատիւը, այսինքն Ռուսթաւելին գրել է այդ՝ դրդած նորա սիրուց. ուստի վճռում են հեղինակին

ապաշխարութեան աքսորել Երուսաղէմի վրաց Ա. Խաչվանքը:

Եւ իրօք մենք նրան քիչ ժամանակ յետոց պատահում ենք Երուսաղէմում իբրեւ կղերական¹⁾:

Յնական է, որ հեղինակին աքսորելուց յետոց կ'աշխատէին նրա գրւածքները ոչնչացնել. բայց այնուամենայնիւ ժողովուրդը հնարք էր գտնում իւր հոգեհատորը պահպանելու: 1738 թւին Տիմթէս վրաց արքեպիսկոպոսը Երուսաղէմի Ա. Խաչվանքում տեսնում է Ռուսթաւելու պատկերը և ապա իւր ուղևորութեան նկարագրի մէջ զզւանքով յայտնում է, որ նա եղել է անբարոյականացուցիչ բանաստեղծութեան յօրինող և քրիստոնեաներին անբարոյականացնող մի անձն: Ուրեմն նորանատելիս է եղել վրաց հոգևորականութիւնը նոյն իսկ 18-րդ դարում: Լսու ասութեան Թէյմուրազ թագաժառանդի, Ռուսթաւելին մնաց Երուսաղէմում, վերանորոգեց իւր բնակավայր Ա. Խաչվանքը և այնուեղ էլ վախճանեց. բայց նր թւականին—ճիշտ յայտնի չէ:

Մի այսպիսի հանձարեղ գրւածքի հեղինակ, որպիսին է «Ընձենաւորը», գրանից առաջ էլ գրութիւններ կ'ունենար և աքսորի մէջ էլ չէր դադարիլ գրել, թէև այդ լինէր կրօնական ուղղութեամբ: Սակայն որ և է այլ գրութեան մասին ոչ մի յիշատակութիւն չի մնացած²⁾:

¹⁾ Զ. Ճիմիւաձէի ասելով Երուսաղէմում գտնւած Ռուսթաւելու պատկերի տակ հին վրացերէն տառերով (խուցուրի, որ նման է հալոց) գրած է Նիս. Ռուսթաւելին հկարած է աբեղակի շորերով:

²⁾ Յիշենք սական, որ Խախուլի եկեղեցում դանւող Աբ. Աստւածածնի պատկերի տակ մի անընթեռների գրութիւն կաւ որի ներքոց կարդացւում է «գրեց Ռուսթաւելին»:

Զնայած, որ Տուսթաւելու մասին այժմ մի պատկառելի գրականութիւն կայ, բայց մի քանի հարցեր դեռևս մնում են չլուծած:

III

Այս գրւածքը իւր վեհ բանաստեղծական զգացմունքով, բարոյական իմաստներով (որոնք վրացոց մէջ առօրեայ առածներ են դարձել) և կեանքի ճշդրիտ պատկերներով գրաւել է ոչ միայն վրացիներին այլ և եւրոպացոց, որոնք կամ ամբողջապէս կամ կտորներով թարգմանել են իրանց լեզուներով:

Այս գրւածքը ունեցել է վրացերէնում մի քանի տպագրութիւններ: Մինչ տպագրւելը վրացիք, ինչպէս տեսանք, միմեանցից արտագրում էին:

Առաջին անգամ «Ընձենաւորը» տպագրել տւեց Թիֆլիսում Վախտանգ վրաց թագաւորը 1710 թ.-ին. դորանից այժմ միայն մի քանի օրինակն է մնացել. այդ տպագրութեան հազւագիւտ լինելու պատճառն այն է, որ Անտօն կաթողիկոսը այրել տւեց նրա գրեթէ բոլոր օրինակները: Այդ է ամենաընտիր հրատարակութիւնը: Դորանից առաջ արտագրողները միշտ իրանցից աւելցնում էին. ուստի հարկաւոր էր գտել մաքրել և իսկականը վերականգնել. այդ կատարեց ինքը Վախտանգ թագաւորը: Նա տպւած է հաստ թղթի վրայ այժմեան № 1 տառերով և բաղկացած է 1584 չորս տողանի տներից:

Մի քանի խօսք պօէմայի արտաքին ձեի մասին: Իւրաքանչիւր տուն բաղկացած է 4 տողից և ամեն մի տող էլ 16 վանկից. Իւրաքանչիւր տան չորս տողն էլ վերջանում է նոյն յանդով: Ահա պատկերը առաջին տան առաջին երկու տողի՝

Ահա երկողորդ տունը՝

— 1 — | — 1 — | — 1 — || — 1 — | — 1 — | — 1 —
— 1 — | — 1 — | — 1 — || — 1 — | — 1 — | — 1 —

Յիշելու է նաև որ իւրաքանչիւր տան չորրորդ տողը սկսւում է դա (քա եւ շաղկապ) յաւելեալ մասնիկով: Առհասարակ եթէ բարձրածայն կարդալու լինենք Պուսթաւելու պօէման, պահպանելով շեշտագրութիւնը, տողերը այնքան ներդաշնակ են, որքան Հոմերոսինը: Հարկ ենք համարում՝ յայտնել նաև հետեւեալը. բովանդակութիւնը պատմելիս չենք հետեւել բնագրի գլուխների դասաւորութեան, այլ մի քանի գլուխներ, նայելով բովանդակութեան, միացրել ենք:

Երկրորդ տպագրութիւնն եղաւ Պետերբուրգում Բրոսսէ, Չուբինով և Փալաւանդով վրացագէտների միջոցով 1841-ին 1600 տոնով: 24-րդ աւելորդ տունը չի եղել Վախտանգի օրինակում, այլ վերցրած է ուրիշ ձեռագիրներից:

Երրորդը կատարեց վրացագգի Չուբինովը 1846-ին առաջին գլխի ռսերէն թարգմանութեամբ:

Չորրորդ անգամ՝ հրատարակեց Չուբինովը բառարանով հանդերձ:

Հինգերորդը կատարեց Թիֆլիսում անցայտ հրատարակիչների ձեռքով, 1867-ին:

Վեցերորդը հրատարակեց 1875 թ.-ին Արսէն Կալանդաձէն, ձեռնհաս մարդկանց օգնութեամբ: Իբր օրինակելի հրատարակութիւն՝ սորանից են արտատպութիւններ անում:

Սրանից յետոյ եղան բազմաթիւ էժանագին հրատարակութիւններ Թիֆլիսում, Քութայիսում, Փոթիում, Օզուրգեթում: Հայերէն լեզով լիակատար թարգմանութիւն չի եղել մինչ օրս, բայց թարգմանւած է պօէմալի սկիզբ (2 գլուխ) տաղաչափութեամբ և Թիֆլիսի բարբառով. թարգմանողն էր պ. Խաստամեան, տպւել է «Կոռունկ» ամսագրում 1862-ին յուլիսի և հոկտեմբերի համարներում Սարգիս ստորագրութեամբ: Բնագրից թարգմանած է ամբողջապէս առաջին և երկրորդ գլուխը. ահա մի քանի տուն որպէս նմուշ:

Ռուաթաւելի
Ըծու մոլթի հազած մարդը:

Ասածիս կիսատը:

Մէ անձանանչ ոմքին տեսան
Զրի ափին նստած լալիս.
Էս աժդահէն թիք էր ննդած,
Ինչպէս առուծ դնջանալիս:
Բոնած ունէր լոխով ու ձի,
Նաշխուն լոխով ոսկէ կարած.
Թամքն ու լիամ, գոշուզ, լոխուն
Մարգրիտներով էին շարած:
Լալիս էր նա հեկեկալով,
Ծովէն բղիում աչքեր նրա,
Արտըսունքը թոշ էր դրի
Նուր բաց էլած վարդու վրայ:

Հեհերէն լեզով մի աբձակ համառօտութիւն տպւեց պ. Կազիմիր Լույինսկու յառաջաբանով: (Biblioteka Varszawska լեհական ամսագրում 1863 թ.):

Յոնարէնը տպեց վրաց Թէյմու բազ թագաւորը 17-դ դարում բայց օրինակը չի հասել մեզ: Պարսկերէն լեզով թարգմանել են 1725 թ-ին Պարսկաստանում եղած վրացի ազգասէրները: Շիսերէն լեզով թարգմանեց պ. Գ. Ֆինամ ձղւարով արձակ: Այժմ մոտագրութիւն կայ նորից թարգմանելու: Մի քանի կտորներ կան թարգմանած ֆրանսերէն, գերմաներէն, անգլիսերէն և այլ լեզուներով. վերջերբս պատահեցինք 1888-ին պ. Ստալինսկու հրատարակութեան վրացերէն, ռսերէն, հայերէն, ֆրանսերէն և գերմաներէն թարգմանած մի քանի կտորներ: (Հայերէնը վերցրած է նոյն Բաստամեանի թիֆլիսաբարբառ թարգմանութիւնից): Վերջին ամենաշքեղ և պատկերազարդ հրատարակութիւնը պ. Վարթևելովինն է (վրացի) և արժէ 15 ռուբլի: 1895 թ. վրաց Մուալիք (համբաւաբեր) ամսագրի նոյեմբերի համարում պ. Ալ. Ա-շիլի «Ընձենաւորը» տրամաբանօրէն վերլուծելով գըտնում է շատ կեղծ տներ: Ամենահին ձեռագիրը, որի հետ համեմատում են բոլոր հրատարակութիւնները, 1646 թւականիցն է: Այդ թւականից մինչև 1870 թ. ձեռագիր ներում շնորհիւ արտադրողների սպրել են 18 տուն, արդ, եթէ երկու հարիւր աարում աւելացրել են 18 տուն, ինչ կարծիք որ 12-րդ դարուց մինչ 1646 թ. ուրեմն 4—5 դարւայ ընթացքումն էլ աւելացած կը լինեն կեղծ տներ:

Համարեա թէ բոլոր հրատարակութիւնների առաջին երեսի վրաց դրւած է բուսթաւելու պատկերը: Մի քանի խօսք էլ այդ պատկերի մասին:

Բացի Երուսաղէմում եղած պատկերից, բանաստեղծ Վախտանգ Օբրէլիանու մայրը (Հերակլ II-ի քուրը, 18-րդ



գար), ունեցել է մի հին ձեռագիր, որին կից է եղել և հեղինակի պատկերը։ Այդ պատկերը պ. Պլատոն Եռսելիանին տւել է Կովկասի նախկին փոխարքայիշխ, Սիմեոն Վորոնցովին։ իսկ սա իր կողմից յանձնել է մի ֆրանսիացի ճանապարհորդ Ֆլերին, որ սա տպել տայ Պարիզում։ Նա իրաւ տպել է տւել և մի քանի օրինակ ուղարկել Վրաստան։ այժմ էլ կայ այդ օրինակներից։ ահա այդ վերջիններից են ընդօրինակւած մնացած բոլոր պատկերները։ Ըուսթաւելին նկարւած է պարսկական տարագով, ծնկան վրայ «Ընձենաւորը» դրելիս։

Ի՞նչն է արդեօք աղբիւր ծառայել Ըուսթաւելուն իւր «Ընձենաւորի» համար։

Հեղինակը ինքն իր յառաջարանում ի միջի այլոց գրում է։

«Այս պատմութիւնը պարսկերէն է և վրացերէն թարգմանածն։ Սրանից կարելի էր եզրակացնել, որ արդէն վրացերէն արձակ թարգմանութիւն եղել է պարսկերէնից։ իսկ Ըուսթաւելին տաղաչափութեան է վերածել։ Հիմնւելով այդ խօսքերի վրայ՝ Վախտանգ թագաւորը (18-րդ դարում) ասում է։ «շատ ման եկանք, բայց պարսկերէնի օրինակը չգտանք»։

Մի տեղ միայն հեղինակը իրան մատնում է և ապացոյց տալիս, որ պօէման Վրաստանի կեանքիցն է վերցրած և փոխաբերական մոքով գրած։ Այդ այն տեղն է, ուր Աւթանդիլը, երկրորդ տեսութեան ժամանակ Թինաթինի հետ, խնդրում է ի յիշատակ իր հրաժեշտի իրան մի իր ընծալի, ահա այդտեղ Ըուսթաւելին ասում է, որ «Աւթանդիլը խօսում էր քաղցրահնչիւն վրացերէն լեզով»։ Նատերը կարծում են, և այդ հաւանական է, որ Ըուսթաւելին դիմել է այդ միջոցին, որպէս զի ժամա-

նակակիցներին մի կերպ միամանցնի, որ նրանք կարծիք չտանեն թէ գրւած է դէպի Թամար թագուհին տածած սիրուց, որին նա հոգով սրաով պաշտում էր։ Այդ սիրոյ մասին հեղինակը յառաջաբանում յիշատակում է, ասելով. «Սկսենք գովել Թամարին արեան արցունքներ թափելով. թանաքի տեղ մեզ կը ծառացի սև սաթէ նման լինը, և որպէս զրիչ՝ նրա ճկուն իրանը. իսկ լսողի սրտին թող ցցէի նետրա»։ Որ սա այլաբանութեամբ է գրւած և խսկապէս Ըուսթաւելու հեղինակութիւն և ոչ թէ պարսկերէնից թարգմանած և ապա տաղաչափութեան վերածած, դորան իբրև ապացոյց կարելի է բերել նաև հերունների անունները, որ զուտ վրացական են և գործածական էին այդ պօէմանցից տեղի առաջ. օրինակ Թինաթին, որ հերոսուհիններից մինն է, եղել է վրաց Կախէթիայի թագուհի. երկրորդ, հերոս թագաւորների շքախումբը կազմում են թաւալէներ (վրացերէն իշխան) և ղիղերուլներ (վրացերէն մեծաւորներ)։ երրորդ, նուազարանները և խաղերը պօէմայում վրացերէն անուններ են կրում. չորրորդ, երդւելու ժամանակ հերոսները վրացոց ձեռվ են երդւում, օր. Աւթանդիլը ասում է. «Իմ արև, Թինաթինի արել վկայ. և հինգերորդ, մի տեղ էլ յիշում է որ զանգեր էին խփում՝ (այսինքն եկեղեցու զանգերը)։

Այդ պօէմայում կան նաև արաբական բառեր, ինչպէս օրինակ Նաւրուզ (մուսուլմանների նոր տարի), Մուսապի (Պորան). այնպէս որ պ. ն. Գուլակը «Ընձենաւորը» բաժանում է երկուսի. առաջին բաժին, ուր գործողութիւնը կատարում է Ըոստեանի թագաւորութեան մէջ, զուտ վիրական է այլաբանութեամբ գրւած, (Բնութիւն, մարդիկ և սովորոյթներ)։ և երկրորդ բաժին, որ արկած-

ներին է վերաբերում, կարելի է որ վերցրած լինի պարսկերինից:

Ծուսթաւելին նկարւած է շատ նւազած դէմքով և քնքոյշ հայեացքով:

1893-ին Վկալին վրացերէն պատկերազարդ շաբաթաթերթի խմբագրութիւնը բացեց Ծուսթաւելուն արձան կանգնեցնելու համար հանդանակութիւն, թէե գեռչի որոշած թէ ուր պիտի կանգնեցնեն:

Ծուսթաւելու և նրա կնոջ մասին պահպանւած է հետևեալ աւանդութիւնը:

Ըստ աւանդութեան Ծուսթաւելին եղել է գեղեցիկ, քաջ, մենամարտող և գիտուն մարդ. կինն էլ նոյնպէս նշանա որ տոհմից մի դեղանի աղջիկ է եղել. վերջնոյս եղբայրը Ծուսթաւելու հաստկակից ընկերն էր: Շոթա Ծուսթաւելին ունեցել է մի արաբ ստրուկ Աբդուլա անունով:

Մի կիրակի օր Թամար թագուհին հրաւէրք սարքեց իր պալատում և, ի միջի այլ մատենազիրների և զիտնական անձերի, հրաւիրեց նաև «Ընձինաւորի» հեղինակին: Թամարի խնդրանոք վերջինս սկսեց կարգալ «Ընձենաւորը»: Ամենքը խորը զգացւեցին. Թամար թագուհին ինշան խորին շնորհակալութեան հանեց մատից իր մատանին և շնորհեց Ծուսթաւելուն: Խնջոցքի ժամանակ էլ Թամարն էր առաջինը Ծուսթաւելու կենաց խմողը:

Այդպիսի ուրախ արամագրութեան ներքոց էր Ծուսթան, երբ ծառաներից մինը մտաւ և յացնեց, որ կանչում են նրան: Ծուսթաւելին գուրս դնալով նկատեց մի գեղեցիկ զրահաւորած երիտասարդ ձիաւոր: Եց երիտասարդը մօտեցաւ Ծուսթաւելուն և ասաց.

— Դու այստեղ ես քէֆ անում. իսկ կինդ՝ ուրիշի հետ: Ծուսթաւելին ընկաւ մտածման մէջ և չէր իմասնում ինչ անէր. նա չկարողացաւ ճանաչել համբաւաբերին, ուստի բացարութիւն պահանջեց:

— Հետեւիր ինձ և կիմանաս ինչ եմ ասում: Ծուսթան մնաս բարե ասալով պալատականներին և հիւրերին, հետևեց անծանօթին: Վերջինս Ծուսթաւելուն տարաւ նրա տուն և ասաց.

— Տես ինչ է կատարում և լսիր ինչ որ խօսում է:

Ծուսթաւելին ակամայ նայեց և տեսաւ... իրանց ստրուկ Աբդուլա իր կնոջ հետ պառկած... Ծուսթաւելու արիւնը պզառորւեց և չէր կամենում իր լսածին ու տեսածին հաւատալ: Նա չետ նայեց, բաց երիտասարդին աց ևս չգտաւ, ուստի շուռ եկաւ և քայլերն ուղղեց գէպի գաշտ. ճանապարհին նա մոտածում էր.

«Միթէ ամբողջ Վրաստանում հռչակ վայելող մարդուց նա գերազանց մի սկ արաբ ստրկին. միթէ ինքը չէր պատճառը, որ ես խաբեցի ինձ համար մեռնող օրիորդին. երանի թէ անծանօթը ինձ ցոյց չտար այս բոլորը: Այսպիսի մոածմունքների մէջ ընկլմած նա քաղաքից դուրս պատահեց անծանօթին. վերջինս ասաց.

— Ծուսթա, ինչպէս ես հաւանում կնոջդ:

Այս խօսքերի վրայ Ծուսթաւելին վառեց որպէս հանեց զաշոցնը, խրեց երիտասարդի կուրծքը, ասելով.

— Դու ես այս ամենի պատճառը:

— Սիրելի Ծուսթա, ասաց կիսամեռ երիտասարդը, երանի էի տալիս ոտներիդ տակ մեռնելու, և Աստած խնդիրքս չմերժեց:

Խեղճի լեզուն փորն ընկաւ բոնելով Ծուսթաւելու

Ճնկերից: Ռուսթաւելին, լսելով ծանօթ ձայնը, վրայ ընկաւ, բաց արեց նրա կուրծքը և ապշած յետ կանդնեց... Նա սպանեց իր նախկին նշանածին: Շոթան նշմարեց նրա մատին իր տւած մատանին: Գրկեց աղջկան ու այլ ևս տեղիցը չէր շարժւում, կարծես թէ ասում էր— սրանից յետոյ լաւ է մեռնել քան թէ ապրել:

Աղջկան սպանելուց յետոյ մի անգամ մեր հերոսը խնձոյքի հրաւիրեց Թամար թագուհուն և այլ մեծամեծներին: Խճնոյքից յետոյ ամենքն էլ դուրս գնացին մի մեծ հրապարակ, ձիարշաւ սարքեցին, ուր միշտ յաղթանակը Ռուսթաւելին էր տանում: Վերջը Ռուսթաւելին դարձաւ Թամարին, ասելով.

— Պէտքական եմ, բան արժեմ թէ չէ:

Քո հատը չունիմ ամբողջ Վրաստանում: պատասխանեց Թամար թագուհին:

— Դէմքի գծագրութեամբ, կամ խելքով, բնաւորութեամբ ու վարք ու բարքով ուրիշից խօ պակաս չեմ:

— Ո՛չ, միաբերան կանչեցին ամենքը. քո ամեն բանն էլ դովելի է:

— Ուրեմն եթէ ինձ նման մարդու կինը անհաւատարիմ գտնուի դէպի իր ամուսինը և նրան մի արաբի հետ փոխի, այդ տեսակ կնոջը ի՞նչ պէտք է անել:

Ռուսթաւելու կինը և աներոջ որդին սաստիկ կարմը-րեցին:

— Անմիջապէս պիտի բաժանել և ուրիշի հետ պսակւել, հրամայեց թագուհին:

— Իսկ եթէ մարդը սպանել է իր կնոջ անհաւատարմութիւնը ցոյց տւած տնձին, նրան ի՞նչ անել:

— Սպանողը պէտք է ապաշխարի. պատասխանեց թագուհին:

— Սպանողը ես եմ և ինձ անհաւատարիմը իմ կինն է:

Այս ասելով նա ձին հեծաւ ու անյայտացաւ և, ըստ աւանդութեան, զնաց Երուսաղէմ ճգնելու:

Ռուսթաւելու աներձագը չէր ուզում հաւատալ այս բոլորին, ուստի հետամուտ եղաւ իր քրոջը: Մի անգամ իրօք նա պատահեց քրոջը արաբի հետ նոյն անկողնում և լսեց հետեւեալլ:

— Ո՛չ, ես քեզանից չեմ բաժանելի, եթէ դու մինչև անգամ իջնես դժոխք, ասում էր կինը:

Եղբայրը թոցրեց արաբի գլուխը սրով և, կախելով քրոջ պարանոցից, ասաց. չէիր կամենում դրանից բաժանել, ահա յաւիտեան ման ածա հետդ:

Ինչպէս պատմութիւնից ընթերցողն էլ կ'եղբափակի, Աւթանդիլի տիպը զուտ արևելեան քրիստոնէական ասպետի տիպն է, որ յետ չի մնում արևմասեան Ռուլանդ՝ ներից և Տանկրէդ՝ ներից. իսկ Տարիէլի տիպը՝ մահմեդական վայրենի ասիացու, որ չնայած քաջութեան՝ անսանձ է իւր կրքերում. իսկ հերոսուհիներից նետանը զուտ հարեմական տիպ է. Նա միշտ փակ է և միշտ կրաւորական զեր է խաղում: Թինաթինը, ընդհակառակը, ազատ գործում է, զատողութիւններ է տալիս, հաւատարիմ է սիրոցն և համարեա թէ եւրոպական կնոջ տիպ է ներկայացնում:

Այս տեղեկութիւնների համար մեզ աղբիւր ծառայել են:

1) Շոթա Ռուսթաւելու «Բնձենաւորը» 1887-ի (վեցերորդ բարեփոխած տպագրութիւն) հրատար. Թաւարթքիլիձէի, Օզուրգէթ, և 1893-ի հրատարակութիւնները:


2) Զ. Մթածմինդելիի «Նոթա Թուսթաւելի» վրացերէն բրոշիւրը, ուր կենսագրական և մատենախօսական աեղեկութիւններ կան:

3) Անտօն Փուրջելմաձէի «Ռուսթաւելի» և նրա կինը՝
Աւանդութիւնն:

4) Ն. Գուլակի «Օ բարսով կօյք Րուտավել» դասախոսութիւններ, տպած 1884 թիւն:

5) Գ. Եօսելիանի՞ի «Ընձենաւորը» պատմւածքը։ Այս
վերջին վրացերէն գրւածքը մեր ձեռքն ընկաւ, երբ սոյն
աշխատութիւնը արդէն պատրաստ էր. զանց չենք առել
սակայն մեր այս գրութիւնը համեմատել այդ գրւածքի
հետ։

Յանձնութեան մասին օրենքը Յանձնութեան մասին օրենքը



Հնագույնաւորը եւ իր ընկերները

ԸՆՁԵՆԱԻՈՐԸ

ԱՐԱԲԻԱՑԻ ՌՈՍՏԵՒԱՆ ԹԱԳԱԽՈՐԻ ՄԱՍԻՆ



Յարիայում երբեմն ապրում էր Ռոստեւան
անունով մի բարի և ողորմած թագաւոր. նա ունէր մի
անտեսաննաման աղջիկ՝ Թինաթին անունով:

Թագաւորը իր կեանքի վերջին օրերում կանչեց իր
բոլոր նախարարներին և յայտնեց՝ թէ թագաւորութիւնը
իր ծերութեան պատճառով յանձնում է Թինաթինին:
Նախարարները շատ տիրեցին, երբ իմացան իրենց սիրելի
տիրոջ մտադրութիւնը. նրանք ասում էին Ռոստեւանին.
«Տէր արքայ, քո տւած վատ խորհուրդը լաւ է ուրիշի
լաւիցը»:

Բայց Ռոստեւանը յետ չկանգնեց իր մտքից և Թինա-
թինին յայտարարեց գահակալ:

Այդ հրամանը ամենից շատ ուրախացրեց ամիր սպա-
սալարի որդի Աւթանդիլին, որովհետև սա սիրահարւած
լինելով Թինաթինի վրայ՝ առիթ կ'ունենար նրանից յե-
տոյ ստէպ. ստէպ տեսնելու իր հոգեհատոր գահակալ սի-
րուհուն: Աւթանդիլը Ռոստեւան թագաւորի որդեգիրն էր
և սիրւած էր նրանից, ինչպէս հարազատ որդի: Արաբիա-
յում նրա նման գեղեցիկ և քաջ տղամարդ հազիւ թէ

գտնուէր. Նա զօրքի ընդհանուր-հրամանասաւար էր. նշանակ-
ւած: Թագաւորի հրամանից յետոյ արաբական բոլոր իշ-
խանները, զօրապետները և զօրքը եկան շնորհաւորելու
Թինաթինի գահակալութիւնը: Ռոստեան թագաւորը նրանց
ներկայութեամբ իր թագը դրեց Թինաթինի գլխին և
հռչակեց նրան թագուհի:

Թինաթինը իրան արժանի չէր համարում հօր գահը
նստելու. ուստի լոիկ լալիս էր: Հայրը նկատելով իր աղ-
ջըկայ արտասուքը՝ խրախուսեց նրան և ասաց. «Կառա-
վարիր ժողովուրդդ աղնւութեամբ. կերուխումի ետեից
մի ընկնիլ, նրանից օգուտ չկաց. ինչ որ ողորմութիւն
տալու լինեա, իմացիր, որ միացն այդ տւածն է քոնը.
մնացած բարիքդ կորած է. և, ինչպէս արել միակերպ
տաքացնում է թէ վարդը և թէ աղբը, դու էլ այնպէս,
դատրիկս, հաւասարապէս դատիր և խղճա մեծ ու փոք-
րին»:

Այդ խրատից սիրտ առած, Թինաթինը բացեց գան-
ձարանը և առատութեամբ սկսեց փող բաժանել հայ-
տակներին, իսկ յետոյ սարքեց մի արքայավայել խնձոյք:
Խնձոյքի ժամանակ ամենքն էլ նկատեցին, որ Ռոստեան
թագաւորը սաստիկ տխուր է: Աւժանդիլը և աւագ-վեզիր
Սոկրատը կամենում էին իմանալ այդ տխրութեան պատ-
ճառը և մի կերպ ուրախացնել թագաւորին: Սրանք լրց-
նելով հազար փեշէները, մօտեցան թագաւորին, չոգե-
ցին նրա առաջ և հեգնօրէն ասացին.

— Ինչու ես տխրել, տէր, երեխ թագուհու առա-
տածեռնութիւնն է ձեր տխրութեան պատճառը. տէր
արքայ, մի՞թէ նա քո ընտրածը չէ, մի՞թէ քո խորհրդով
չի կառավարում: Վերջը Աւժանդիլն առանձնապէս աւեռ-
լացրեց. «Տէր, թոյլ տուր ծառայիդ մի երկու խօսք ասե-

լու, — խնձոյքից յետոյ արի մրցենք նետաձգութեան մէջ
բոլոր զօրքերի ներկայութեամբ»:

Թագաւորը լսելով այդ՝ ժպտաց և ուրախ-ուրախ
հրամայեց պատրաստել անտառում նետաձգութեան տեղը
և նետազեղները: Փառաւոր հանդիսով ամենքը դուրս
գնացին անտառը մրցման ներկայ լինելու ու զւարձանա-
լու: Մրցումից յետոյ բոլոր զօրքերը վկայեցին, որ Աւ-
թանդիլի նետերից ոչ մէկն էլ չվրիպեց և նրա սպանած
որսերի թիւը աւելի շատ է, քան թագաւորինը: Թագա-
ւորը յաղթւած էր:

Ռոստեանի երեսից թախիծն անցաւ: Նրա տիրու-
թեան պատճառը նետաձգութեան, գնդակի և այլ խա-
ղերի մէջ իր նմանը չունենալն էր. իսկ այժմ թագաւորը
ուրախացաւ, որովհետեւ Աւժանդիլը խաղերի մէջ բռնեց
նրա տեղը:

Բ.

ՐՈՍՏԵՒԱՆԸ ՏԵՍՆՈՒՄ Է ԸՆՉԵՆԱԿՈՐԻՆ



յդ խաղից յետոյ Ռոստեանն և Աւժան-
դիլը տեսան ջրի ափին նստած մի երիտասարդ, որ հա-
գած ունէր ընձու ։) մորթուց վերարկու և գլխարկ, ձե-
ռին բռնած բազուկի հաստութեամբ մի մորակ: Նա լա-
լիս էր աղիոզորմ ձայնով: Թագաւորը իսկոյն ուղարկեց
իր ծառաներից մի քանիսին իմանալու այդ երիտասարդի
ով լինելը և լալու պատճառը: Ընձենաւորը նրանց վրայ
իսկի ուշադրութիւն էլ չդարձրեց. նա շարունակում էր

։) Յնձը — վագրին յեղակից մի կենգանի է:

աղի արցունքներ թափել։ Ծառաները վերադարձան թագաւորի մօտ և յայտնեցին, որ ընձենաւորը նրանց ոչ մի հարցին չպատասխանեց և իրանց վրայ էլ չնայեց։ Ռոստեանն աւելի հետաքրքրւեց և այս անգամ տասներկու սպառազինւած ծառայ ուղարկեց՝ պատիրելով հանգերձ հակառակ դէպքում բռնել նրան և բերել իր մօտ։

Ընձենաւորը տեսնելով նրանց, արտասուքը սրբեց և վայ կանչելով սուրբ հանեց, յարձակւեց նրանց վրայ ու բոլորին կոտորեց մի հարւածով։ Ռոստեանն և Աւթանդիլը այդ նկատելով, շուտափոյթ առաջ գնացին։ բայց մինչեւ սրանց հասնելը, ընձենաւորը հեծաւ իր սե ձին և անհետացաւ։ Թագաւորը չիմանալով՝ թէ ով էր այն մարդը, ինչու էր լալիս կամ ինչ էր ուղում, սասակի տիրեց։ Նա առանձնացաւ բոլորովին և ընկաւ խոր մտածմունքի մէջ։ Նա ոչ ոքին չէր ընդունում իր մօտ, բացի թագուհուց և Աւթանդիլից։ Մի անգամ Թինաթինը հարցրեց հօրը նրա տիրութեան պատճառը։ Ռոստեանը համբուրելով իր աղջկան պատմեց պատճառը։ Թինաթինն ասաց։

Հայրիկ, եթէ ընձենաւորը մարդ էր՝ ուրեմն հնարք կայ գտնելու նրան, հարկաւոր է միայն մարդիկ ուղարկել որոնելու։ իսկ եթէ նա մի երկոյթ էր կամ սատանայ, չարժէ այդքան տիրել, որովհետեւ նա, երեխ, կամեցել է քո ուրախութիւնը խանգարել։

Ռոստեանն ընդունելով գտաներ խորհուրդը, ամեն կողմ խնդրակներ ուղարկեց գտնելու ընձենաւորին, բայց ոչ մի տեղից նոյն իսկ լուր էլ չկարողացան բերել նրա մասին։ Ծեր թագաւորը դրանով բաւականացաւ և մոռացութեան տւեց։

Քիչ ժամանակից յետոյ թագուհին կանչեց Աւթանդիլին իր մօտ և ասաց։

— Քաջ գիտեմ, որ դու ինձ սիրում ես։ իմացիր ուրեմն, որ ես էլ նոյնչափ սիրում եմ քեզ իսկ եթէ դու գտնես այն անցայտ մարդուն և իմանաս նրա պատմութիւնը՝ ազնիւ խօսք, որ ես ընդմիշտ քոնը կը լինեմ։ գնա, քեզ երեք տարի ժամանակ։ Ասու ած բարի ճանապարհ տայ։

Աւթանդիլը, լսելով այդ բոլորը, ուրախութիւնից ոտի վրայ չէր կարողանում կանգնել, ուստի շուտով մնաս բարեւ ասելով դուրս փախաւ և ուղղակի գնաց իր հաւատարիմ՝ ծառայ Ներմաղինի մօտ։ Նա նրան յանձնեց ամբողջ զօրքը և մի նամակ էլ թողեց իր ստորագրեալների անունով, որով նրանց հրամայում էր հաւատարմութեամբ ծառայել Ներմաղինին, թէ տանը և թէ պատերազմում։ իսկ Ռոստեանին յայտնեց, որ իրը թէ գնում է թշնամիներին իմաց տալու Թինաթինի գահակալութեան մասին։ Թագաւորը համբուրելով արձակեց նրան։

Գ.

ԱԻԹԱՆԴԻԼ ՈՐՈՇՈՒՄ Ե ԸՆՁԵՆԱԽՈԲԻՆ



Եթանդիլը «Ընձենաւորին» գտնելու համար, էլ սար ու ձոր, գիւղ ու քաղաք ու տեղ չթողեց երկնքի տակին, որ չորսնէր. բայց նա կարծես թէ չքացել էր աշխարհի երեսից։ Ընձենաւորը չկար ու չկար։ Անցել էր երկու տարի և իննը ամիս։ Աւթանդիլը խոցւած և վշտաբեկ սրավով մտածում էր. «Երեխ մերոնք ինձ արդէն մեռեալների կարգն են դասել և սուգ կատարել ինձ վրայ։ ինչ երեսով այժմ տուն դառնամ և ինչ պատասխան տամ սիրուհուա։ Այս տեսակ մտածմունքների մէջ

ընկղմւած՝ նա կանգնեց և զգաց, որ ինքը վաղուց անօթիէ: Նա իսկոյն սպանեց նետով մի երէ, հրահան ու կայծքարով կրակ արեց և նստեց ճաշելու. նժոյգն էլ մօտը կապեց կանաչ խոտում: Այն ձորում, ուր Աւթանդիլը ճաշում էր, երևեցան երկու միքուքաւոր մարդ. դրանք ձեռքերի վրայ բերում էին մի վիրաւորւած պատանի: Երբ սրանք մօտեցան, Աւթանդիլը հարցրեց. «Ո՞վ էք»՝ և պատրաստւեց կուելու նրանց հետ, կարծելով թէ նրանք աւազակներ են: Նրանք պատասխանեցին. «Օդնիր, թէ կարող ես. մենք երեքս էլ եղբայրներ ենք. այսօր դուքս եկանք դաշտն ու անտառը որսի և մի փոքր գւարճանալու: Որսը վերջացնելուց յետոյ մենք զինորներին ճանապարհ գցեցինք ու սկսեցինք մրցել իրար հետ զանազան խաղերում. այդ միջոցին մենք տեսանք ընձու մորթի հագած մի ձիաւոր: Գրաւեկով նրա գեղեցկութիւնից, մենք փորձեցինք բռնել նրան. իսկ նա, հարւածելով, զեսնովը տւեց այս փոքրին և իր լայնապինդ մտրակով ճեղքեց սրա գլուխը ացնպէս, որ խեղճի գլխակաշին մաշկւեց, և ամա սլացաւ, ահա դէպի այն կողման Այդ ասելով նրանք մատնացոց արին ընձենաւորի արշաւած ճանապարհ:

Աւթանդիլը, որդեկորոյս մօր նման, ուրախութիւնից արցունքներ թափելով, ասաց.

— Ինչպէս Աստւած ինձ հասցրեց իմ նպատակին, այնուհետ էլ թող նա ձեր եղբօր առողջութիւն պարզենէ:

Այս ասելով նա իսկոյն մարտկեց ձիուն և սլացաւ գէպի այն կողմը, ուր անցացացել էր ընձենաւորը: Աւթանդիլը վերջ ի վերջոյ հասաւ մի քարայր, այդուղ իջաւ իր ձիուց, բարձրացաւ ծառի վրայ և թաք կացաւ նրա ճիւղերի մէջ: Ահա երեաց և ընձենաւորը: Լսելով նրա ձիու դոփիւնը, քարայրից դուքս եկաւ մի աղջիկ,

տուաւ ձին ու տարաւ ախոռատուն: Միւս օրը լուսանալուն պէս ընձենաւորը հեծաւ ձին ու անհետացաւ: Աւթանդիլը, որ ամբողջ գիշերը ծառի վրայ մնաց, նկատելով նրա հեռանալը մտածեց.

— Այժմ ժամանակ է մտնելու այս աղջկայ մօտ և իմանալու այն զարմանալի մարդու սպատմութիւնը:

Այս ասելով՝ իջաւ ծառից: Աղջիկը նրան տեսնելուն պէս վախեցաւ: Աւթանդիլն ասաց.

— Մի վախենալ, ես մի հասարակ հողեղէն եմ, խնդրում եմ, իսկըն Աստուծոյց, ասաւ ինձ՝ ով է այն ձիաւորը, որ այս րոպէիս հեռացաւ այսաեղից: Աղջիկը պատասխանեց.

— Եթէ քաջք ես, հեռացիր, իսկ եթէ մարդ ես՝ հարիւր անգամ էլ, որ խնդրես այն մարդու սպատմութիւնը, ես ո՞չ պիաի պատասխանեմ:

Աւթանդիլը՝ տեսնելով, որ խնդրելով ոշինչ չի լինում և իր յոյսերը ջախջախւում են, մահ սպառնաց աղջկան: Աղջիկը սպանասրութեամբ նկատեց.

— Սպանիր, եղբայր, բարութիւն արած կը լինես. վազուց է տանջում եմ և սպասում մահւանս հրեշտակին, բայց տարաբաղդաբար նա չկայ:

Յուսակառը Աւթանդիլը այդ խօսքերից սկսեց երեխի նման հեկեկալ և ասել՝ թէ ինչն է ստիպում իրան այդպէս անելու, ով է իրան ուղարկել, և ինչու համար է այսքան թափառում ու զեզերում: Աղջկայ գութը շարժւեց լսելով նրա պատմութիւնը, որովհետեւ հասանման գէպերը կաշկանդել էին և ընձենաւորին: Նա Աւթանդիլին խոստացաւ բանը այնպէս յարմարեցնել, որ ինքը ընձենաւորը անձամբ պատմի իր զլիի անցածը և ով լինելը:

— Սիրահարին գազանն էլ խղճում է, վերջացրեց Ասմաթը (այսպէս էր այն աղջկայ անունը): Ասմաթը, Աւթանդիլին հուշտ կերակրելուց յետոյ, թաքրացրեց նրան քարայրում:

Դեռ նա տուն չէր մտել, ահա լսեց ընձենաւորի ձիու դոփիւնը: Դուրս եկաւ Ասմաթը և հարցրեց նրան յետ դառնալու պատճառը: Տարիէլը (այսպէս էր կոչւում ընձենաւորը) պատասխանեց.

— Պատահեցի մի թագաւորի որս անելիս, մարդկանց կերպարանք տեսնելը ցաւ պատճառեց ինձ և դրա համար էլ վերադարձաց:

— Զարմանալի բան է, վայրենիների հետ մանգալը քեզ դուր է գալիս, իսկ մարդկանց կերպարանքից խորշում ես և օրլսուրէ մաշւում ու հիւծւում: չեմ կարող ծածկել քեզնից, մեզ մօտ մի հողեղէն կայ, յուսով եմ, որ վնաս չես տալ նրան և սիրով կը նդունես, պատասխանեց Ասմաթը:

— Յոց տուր, ուր է, ոչինչ չեմ անի, կը պատմեմ անցածս և պատմել կ'տամ իր մասին, կարելի է դրանով մի կերպ թեթեւանան վշտերս: Ասմաթը դուրս բերելով քարայրից Աւթանդիլին՝ բերեց նրան Տարիէլի մօտ: Տարիէլն և Աւթանդիլը գրախառնեցան հարազատ եղբայրների նման և սկսեցին լալ: Աւթանդիլը մի առ մի պատմեց իր ով լինելը, թափառելու նպատակն և այն: Տարիէլը լսելով այդ բոլորը, ասաց.

— Դու նախ կատարել ես տիրոջդ կամքը սրբութեամբ և ինձ դտել. և երկրորդ, քանի որ դու ինքդ էլ նոյն բովի մէջն ես խորովւում ինչպէս և ես, ուստի լսիր պատմութիւնս: Իսկ դու, Ասմաթ, բեր մի ամանով ջուր և քիչ քիչ ածա եռացող սրտիս վրայ. և հոդոց հանելով ընձենաւորը (Տարիէլ) սկսեց պատմել հետևեալը:

ԸՆՉԵՆԱԽՈՐԻ ՊԱՏՄՈՒԹԻՒՆԸ



Նդկաստանը բաղկացած էր եօթ թագաւորութիւնից, որոնցից վեցը Փարսադան հզօր թագաւորի էր պատկանում, իսկ եօթներորդը իմ հօր՝ Սարիդոնին: Հայրս ծերութեան պատճառով չէր կարողանում կառավարել մեր երկիրը. ուստի դեսպաններ ուղարկեց Փարսադանի մօտ և իր թագաւորութիւնն յահճնեց նրան: Նա շատ սիրով ընդունեց մեզ և հօրս նշանակեց ամիրբար, այսինքն՝ իրանից յետոյ երկրորդը և Հնդկաստանի զօրքերի ընդհանուր հրամանատար, այն է՝ ամիրսպատշալար: Փարսադանը ժառանգ չունէր, ուստի երբ ես ծնւում եմ, շատ է ուրախանում և ինձ որդեգրում է: Դեռ հինգ տարիս չլրացած իմ խնամակալս ունենում է մի աննման գեղեցկատեսիլ դուստր: Ինչպէս լոյսը խաւարից գեղեցիկ է ու սիրուն, այնպէս էլ Նեստան-Դարեջանը (այսպէս էր կոչւում նորածինը) առենից չքնաղն ու գեղեցիկն էր. սրան կարող է վկայել նաև Ասմաթը: Երկար ուրախութիւններից և խրախնակներից յետոյ ժողովրդին բաժանեցին ահագին քանակութեամբ ոսկի և արծաթ:

Ինձ և նրան, քրոջ և եղբօր պէս միասին էին կըրթում: Երբ լուսնանման արքայադուստրը եօթ տարեկան դարձաւ, Փարսադան թագաւորը նրա համար կառուցել տւեց մի գեղեցիկ աշտարակ իր բուրաստաններով և մինարէթներով ու մեզ անջատեց միմեանցից: Նեստան-Դարեջանի կրթութեան զեկը անցաւ նրա հօրաքոյր այրի Դաւարի ձեռքը: Սրան մարդու էին տւել Քաջաստանում, որտեղ և այրիացել էր: Տաօնհինդ ասրին լրտալուն պէս

վախճանւեց հայրս. նրա մահը ինձ ամբողջ կատարի սաստի՛ վիշտ պատճառեց. որ ու գիշեր լալիս էր: Դաւարը բաւականին զարգացած և իմաստուն կին էր: Այս Ասմաթին էլ նշանակեցին անտեսաննման Դարեցանի համար նաժիշտ: Տաներկու տարեկանից սկսած ևս նետաձութեան և գնդակահարութեան մէջ մրցող չունէի:

Երբ լրացաւ սգիս տարին, Փարսադան թագաւորը մարդ ուղարկեց մօսս յայտնելու. «Բաւական է որդի, որքան ողբացիր, եկ և ստանձնիր հօրդ պաշտօնը»: Ես համաձայնեցի:

Մի անգամ ինձ Փարսադան թագաւորը որսի հրաւիրեց: Վերադարձին թագաւորն ասաց. «Գնանք աղջկաս տեսնենք և երէ տանենք նրա համար»: Ես սրահում սպասեցի: Այդ սրահը կատարեալ դրախտի նման էր: Ծառերի միջին երդում, ճախրում էին սիրուն թռչուները: Պարտէզը պատած էր արմաւենիներով, նրա միջին շինած էր մի հիանալի վարդաջրի բաղնիս: Երբ Ասմաթը թագաւորի հրամանով եկաւ, երէն ներս տարաւ, վարագոյրը յետ քաշելիս ես տեսաց նեստանին և ուշաթափեցի: Ուշքի գալով ինձ դտայ ննջարանումն. զլիսիս մօս նստած էին թագաւորն ու թագուհին: Երբ մի քիչ կազդուրւեցի, ծառաները յայտնեցին թագաւորին իմ առողջութեանս մասին: Նա ուրախութիւնից գլխաբաց վազեց մօսս և ինձ տարաւ զբօսանքի. ապա սարքեց խրախճան ու առատութեամբ գանձ բաժանեց որբերին և այրիներին:

Նեստան-Դարեցանը ուշաթափելս նկատել էր և, որովհետեւ առաջուց էլ սիրահարւած է եղել վրաս, ուստի աւելի ևս բորբոքում է նրա սէրը. նա բաց առ բաց չէր կարող իր սէրը յայտնել: ուստի խոստովանուում է ինձ Ասմաթի մօս և ահա խնմոյքին ծառան յայտնում է ինձ,

որ մի ինչ որ աղախին կանչում է ինձ: Ես իսկոյն դուրս գնացի և տեսայ, որ Ասմաթն էր. նա ինձ մի նամակ յանձնեց. այդ նամակում աննմանս գրում էր.

«Արիացիր, մի վհատւիր, ես քոնն եմ, եթէ չմեռաց. դէպի ինձ տածած սէրդ այն ժամանակ կարող ես ցոյց տալ ի գիտութիւն ումենքի, երբ մեր հարկատու Խատաւցիներին, որոնք նորերս ապստամբել են, կը ճնշես: Գիտցիր, որ վաղուց սիրում եմ քեզ. ուստի աշխատիր պարզերես դուրս գալ Խատաւցիներից»:

Ես գրած պատասխանովս հնագանդութիւնս ու համաձայնութիւնս յայտնեցի, շարունակեց ընձենաւորը և նամակը Ասմաթի ձեռքով ուղարկեցի սիրուհուս:

Խատաւցիների թագաւորին նամակ ուղարկեցի, յայտնելով, որ նամակս ստանալուն պէս գայ և հնագանդւի, ապա թէ ոչ պատերազմ ենք մղելու: Ասածուց էլ զգուշացրի պատերազմի համար, որ յետոյ տմարդի տեղ չդնէր մեզ և չասէր թէ՝ գաղանագողի յարձակեցանք իր վրայ:

Նամակիս պատասխանին էի սպասում, երբ մի անգամ Ասմաթից ուղարկած ծառան ինձ մի նամակ տւեց: Ասմաթը գրում էր. «Արտիդ վարդը քեզ կանչում էս: Ես իսկոյն քայլերս ուղղեցի դէպի սրահը և երբ Ասմաթը վարագոյրը յետ քաշեց՝ իմ ու սիրուհուս հայեացքները հանդիպեցին իրար: Երկուսս էլ ամաչեցինք և կարմրեցինք: Նկատելով այդ, Ասմաթն ասաց. «Եա դարձիր, այժմ սա էլ է ամաչում: Դրանից յետոյ ես Ասմաթին ինդրեցի, որ ինձ շարունակ նամակ գրի աննմանիս մասին: Քիչ ժամանակից յետոյ Խատաւանի թագաւորից պատասխան ստացայ. նա գրում էր. «Եկէք, ձեզ սպասում են մեր պատրաստի զօրքը և ամուր բերդերը. ովք էք

դուք, մենք ճանաչել անգամ չենք կամենում ձեզ և միւս
անգամ զգուշացէք այդպիսի յանդուգն նամակ գրելուց»:

Կարդալով այդ, ես խկոյն պատերազմի պատրաս-
տութիւն տեսայ: Գնալու ժամանակ Նեստան-Դարեջանը
ինձ իր մօտ կանչեց և ասաց. «Արիացիր, Աստւած տայ,
որ յաղթես Խատաւցիներին, ես չեմ դաւաճանիլ քեզ.
Հակառակ դէպքում Արարին ինձ հող դարձնի»:

Առաջ խաղալով երեք օրից յետոյ հասանք պատե-
րազմի դաշտը. Խատաւցիների Շամազ թագաւորը դեսպան
էր ուղարկել մեծաքանակ ընծաներով ինձ յայտնելու, որ
ինքը դալիս է հպատակութիւն ցոյց տալու. բայց մի
բարի մարդ նրանց կողմից դուրս եկաւ և յայտնեց ինձ,
որ Շամազը մտավիր է ծաղտեալ կերպով զօրքը առաջ բե-
րել և վրաս յարձակւել: Ալդպիսով այն բարի մարդը հա-
տուցեց ինձ աչն երախտիքը, որ հայրս ունեցել էր նրա
վրայ, ինչպէս ինքն էր ասում:

Այդ լսելով, ես հրամացեցի թմբուկներ զարկել և
առաջ խաղալ: Միմեանց յետելից քաղաքներ վերցնելով,
վերջ ի վերջոյ Շամազին սահիպեցի յանձնել ինձ նշանաւոր
քաղաքների և բերդերի բանալիները ահազին հարստու-
թեան հետ միասին. 10,000 ջորի և ուղտ ուղարկեցի
Փարսադանին գանձով բարձած: Շամազից մշտական հպա-
տակութեան պայման վերցնելով՝ ես դարձայ տուն: Փար-
սադանը մեծ պատռով ու շուքով ընդունեց ինձ և ի պա-
տիւ ինձ սարքեց մեծ ինճոյք և որս: Խնճոյքին ներկայ
էր և Նեստանը: Մենք, ինչպէս ասում են, այդ խնճոյ-
քին կշտացանք իրար նայելուց:

Խրախճանքից յետոյ սիրուհիս ինձնից նամակով ու-
ղեց այն թանկագին քօղը, որ ես ձեռք էի բերել պա-
տերազմում, և որպէս սիրոյ դրաւական՝ ինքն էլ ինձ մի

վահան էր ուղարկել: Ես, բացի քօղից, ոսկեկար քուլա-
ջան էլ ուղարկեցի նրան:

Զանցաւ մի քանի օր, բարերար խնամակալներս կան-
չեցին ինձ և ասացին. «Ինքու լաւ գիտես, որդի, որ մենք
արու թագաժառանգ չունինք, ուստի կամենում ենք Նես-
տանին մարդու տալ և գահն էլ փեսացուին յանձնել.
Դու ինչ խորհուրդ կը տաս:

Թանկագին ընկեր, ասաց Ընձենաւորը Աւթանդիլին,
որ լսում էր խորին ուղարկութեամբ, այդ խօսքերից
յետոյ, դողն ընկաւ ջանս ու թուլացայ. բայց նկատե-
լով, որ նրանք զրագան կերպով վճռել են, ես էլ չընդ-
դիմացայ ու հաւանութիւն տւի: Իբրև ամենից յարմար
փեսացու խնամակալներս Խւարազմատանի արքայազնին էին
ընտրել ու արդէն միջնորդ էլ ուղարկել: Կայծակնահար
դարձայ տուն և օրէցօր սկսեցի հալւել մաշւել, ինչպէս
մաշւում է կրակից ամենայն ինչ: Նոյն երեկոյեան Ասմա-
թից նամակ ստացայ, անտեսաննանը ինձ կանչում էր:
Գնամ տեսնեմ թիւ: Նեստանը կատաղած վագրի նման
ընծայած քօղս երեսին զցած ու թեկն ընկած հեկե-
կում էր: Ինձ տեսնելով ուղղելեց և վշտացած ձայնով անաց.

— Զարմանում եմ թէ ինչ երեսով մոտար այստեղ, այ-
դաւաճան և ուխաղբուժ. բայց քաջ յայտնի լինի քեզ,
ստախօս, որ փոխարէնը Աստւածանից պիտի ստանաս:

Ես, չհասկանալով բանի էութիւնը, ասացի.

— Յանցանքս ինչ է:

— Միթէ դաւաճանն ու խարդախը արժանի է բացա-
տրութեան. դու ինձ կրակ տւիր ու հեռացար. միթէ
չգիտես, որ ինձ կամենում են տալ Խւարազմատանի թա-
գաժառանգին, դու ուր էիր հաւանութիւն տալիս ծնո-
ղացս այդ բանին:

Դրանից յետոց նա ինձ յիշեցրեց թէ ինչպէս ես ու-
շաթափւեցայ նրան առաջին անգամ տեսնելիս. ապա
աւելացրեց. «Որովհետեւ դու ինձ դաւաճանեցիր, ուստի
ես էլ ոչ քեզ եմ ուզում, ոչ էլ նրան. միայն իմացած
կաց, որ դու կենդանի չես մնալ Հնդկաստանում»:

Երբ լսեցի, որ նա ուրիշին էլ չի ուզում, ես մի
քիչ ուրախացայ, պատճառ, որ ինձ ուրիշի հետ չէր փո-
խում: Իրաւունք ինդրելով նրանից բացադրութիւն տա-
լու, ես յայտնեցի, որ ոչ մի կերպ չէի կարող ընդդիմա-
նալ, որովհետեւ նրա ծնողները դրականապէս վճռել էին
արդէն:

— Ես, ասացի չքնարեզին, ոչ մի ժամանակ չեմ
դաւաճանել և ոչ էլ կը դաւաճանեմ մինչեւ որ շունչս բե-
րանիս է. դու ես իմ կեանքս ու սրտիս վարդը: Նա այդ
խօսքերի վրայ մի քիչ ժպտաց և առաջարկեց խորհուրդ
անել թէ ի՞նչպէս առաջն առնել մեզ երկուսիս սպառնա-
ցող վտանգի դէմ: Մի քիչ խորհուրդ անելուց յետոց վըն-
ուեցինք, որ ես սպանեմ արքայազնին նախքան սպակ-
ւելը:

Այդպէս էլ արեցի: Փեսացուն հարսանիքի գիշերը
բանակ էր դրել մեր քաղաքի դռների մօտ. ես գիշերով
հարիւր կտրիմով անցայ բանակի միջով և, արքայազնի
վրանը մտնելով, նրան այնքան տւի պատերովզ, որ խեղճը
հոգին աւանդեց:

Պահապաններն աղմուկ բարձրացրին. բայց ես քա-
ջերիս հետ դուրս պրծայ և ուղղակի փախաց բերդը:
Խմ բարերար Փարսագանը երկրորդ օրը մարդ ուղարկեց
ինձ ասելու.

— Այս ի՞նչ բան բերիր դլիսիս, ի՞նչու ուրախութւնս
սպի փոխեցիր, որդի. եթէ աղջկաս սիրում էիր, ի՞նչու

առաջուց ոչինչ չասեցիր և ի՞նչու Խւարազմների մեղքը
վզիս բարձեցիր:

Ես պատասխան ուղարկեցի ասելով.

— Արու ժառանգ չունենալուդ մղատճառով Հնդկաս-
տանը ինքնըսախնքիան իմն էր, ուստի ինչպէս կարող էի
թողնել, որ մի ուրիշը տիրապետէր, քանի սուրս մէջքիս
էր. և երկրորդ, մի՞թէ ես կը թողնէի որ իմ սիրտս (նես-
տան) ուրիշը տանէր:

Ե.

ՆԵՍՏԱՆ-ԴԱՐԵԶԱՆԻՆ ՓԱԽՑՆԵԼԸ



յդ անցքից յետոց ես զրկւեցի սիրուհուս
տեսութիւնից:

Մի անգամ տխուր-տրառում դուրս գնացի դաշտը և
ահա սա, (մատնացոյց անելով մօտը նստած Ասմաթի վրաց)
արագաքայլ հասաւ ինձ և ասաց. «Թագաւորը վճռեց քեզ
սպանել, արքայազնին սպանելու պատճառով, սաստիկ էլ
զայրացաւ, որ կանչելուն պէս դու չներկայացար. Խստիւ
յանդիմանեց նաև իր քրոջ Դաւարին, որ իր թուլութեամբ
ձեր սիրահարութեանը նպաստեց: Փարսագան թագաւորը
վճռել է նրան էլ սպանել: Դաւարն էլ, ոխը հանելու
համար, հրամայեց երկու ստրկին, մի նաւակ պատրաստել.
մինչ նրանց պատրաստելը նեստանին ծեծով կապտացրեց
և յանձնեց նաւավարներին: Նաւում նստացնելու ժամա-
նակ նեստանը փորձեց դանակով վերջ տալ իրան, բայց
չյաջողւեց. վերջը ինձ խնդրեց, որ սպանեմ իրան, բայց
ես ոչ թէ սպանեցի, այլ երգւեցի մինչ կեանքիս վերջը
փնտրել նրան և գտնել: Մինչ նրան կը փախցնէին՝ Դա-
ւարը անձնասպանութիւն զործեց»:

Այդ բոլորը լսելուն պէս ես սպառազինւեցի և վաթ-սուն կարիճով ճանապարհ ընկայ:

Ամբողջ տասներկու ամիս որոնեցինք, բայց լուր էլ չառանք նրա մասին: Ամենքը թողին ինձ բացի Ասմա-թից և երկու ծառացից: Քսան ամիս ծովի վրայ շրջա-գայելուց յոգնելով, դուրս եկայ ափ ու մի ծառի տակ քնիցի: Յանկարծակի աղաղակը զարթեցրեց ինձ, իսկոյն վեր թռայ և տեսայ սե ձիու վրայ նստած մի վիրաւոր մարդ, ձեռին սրի կտոր բռնած: Մօտեցայ և հարցրի թէ ովկ է նա:

Վիրաւորը ինձ պատմեց, որ ինքը Մուլղաղանղարի Նուրեղին Փրիդոն թագաւորն է. նրա պապը այն երկիրը բաժանել էր իր երկու որդոց մէջ, այն կզզին իր լաւ որսավայրով ընկել է Փրիդոնի հօրը, բայց հօրեղբօր որդիք թշնամնօք վիճելի են համարել այդ կզզին. ուստի որ-սից ետ դալիս հօրեղբօր որդիքը կտրում են Փրիդոնի առաջ: Վերջինս թողնում է նաւը և նստում ձիու վրայ ու լողալով դուրս գնում, այնուամենացնիւ նրանք հաս-նում են, վիրաւորում Փրիդոնին և սուրն էլ կոտրում:

— Իսկ դուք ովկ էք, հարցրեց ինձ վիրաւորը:

Ես յայտնեցի, որ իմ գլխիս անցածը պատմելու հա-մար հարկաւոր է բաւական երկար ժամանակ: Նրա հե-տաքրքրութիւնը շարժւեց ու ինձ տարաւ իրանց փոք-րիկ, բայց սիրուն քաղաքը և մեծ հիւրասիրութիւն ցոյց տւաւ: Մանրամասութեամբ պատմեցի անցեալ:

Մենք այնքան բարեկամացանք իրար հետ, որ մի կարծ ժամանակից յետոյ ահազին պատրաստութեամբ գնացինք Փրիդոնի հօրեղբօր որդոց դէմ կուելու: Ես և իմ նոր բարեկամը կարծես թէ մրցում էինք իրար հետ քաջութեան մէջ: Յաղթելուց յետոյ հօրեղբօր որդոց

կապած բերինք Մուլղաղանղար քաղաքը: Ամենքը զար-մացան և սկսեցին գովել մեր քաջութիւնը: Սկսեց մի աննման խրախնձանք, ուր, սակայն, ես վշտացած լուռ էի բոլորովին, որովհետեւ իմ մտածմունքը միայն նա էր:

Մի օր գնացինք որսի, հասանք մի ծովափի: նա-յելով ծովին Փրիդոնն ասաց Ճիշում եմ, այսուեղ էր, որ մի անզամ տեսայ մի ինչ որ սե բան. մօտենալով, նկա-տեցի մի նաւակ երկու արարովի: Այդ արաբները նաւակից դուրս հանեցին մի գեղանի լուսնամնան աղջիկ, բայց նկատելով, որ ես նացում եմ իրանց և հետեւում, առաջս կտրեցին և անհետացանա:

— Սիրելի Աւթանդիլ, ասաց հառաչելով Ընձենաւորը, ծնկներս թուլցան, երբ այդ լսեցի: իսկ խեղճ Փրիդոնը գլխին վաց էր տալիս և տառւմ. Վայ ինձ, Բնչու տրտ-մեցրի քեզ:

Փրիդոնը նկատելով իմ ախուվախը սկսեց հանգըս-տացնել ինձ ասելով:

— Այս քաղաքը ամեն տեսակ լուրերի կենտրոն է և աշխարհի չորս կողմից այսուեղ նաւեր են դալիս, հան-գստացիր, անպատճառ մի բան կ'իմանանք սիրուհու մասին:

Երկրորդ օր Փրիդոնը նաւավարներ ուղարկեց ամեն կողմ նեստանի հետքը գտնելու, բայց զուր. աննմանս ինձ համար անդառնալի կերպով կորած էր: Յոյս կտրւեց, ուստի խնդրեցի Փրիդոնին, որ ինձ արձակի: Մեծ դժւա-րութեամբ և լաց ու կոծով բաժանեցինք միմեանցից: Ես նորից որոնել սկսայ նրան, սակայն ոչ մի հետեւանքի չհասայ:

Վերջապէս հասայ այս այրը, այսուեղ ապրում էին հսկաներ. նրանցից մի քանիսին սպանելով, մի քանիսին էլ փախցնելով մնացի մենակ Ասմաթիս հետ: Թէ սրան և թէ

Երկու մնացած ծառաներիս շատ խնդրեցի՝ վերադառնալ հայրենիք. բայց ծառաներս յանձն չառան և հսկաների հետ կռւելիս երկուսն էլ սպանւեցան:

Ահա նրանից յետոյ խորշում եմ մարդկացին կերպարանքից, սիրում եմ վայրենի տեղեր և գաղաններ:

Սիրուհուս երեսը ընձու նման գեղեցիկ լինելու պատճառով հազած եմ «ընծու միջթի»:

Տարիելը, վերջացնելով իր պատմութիւնը, էլ չդիմացաւ. արցունքների կայլակներ էին, որ թափում էին նրա աչքերից: Ասմաթը նրան յոց էր տալիս և միսիթարում:

Սրբելով արտասունքները նա ասաց Աւծանդիլին. — Դարձիր, եղբայր, արեիդ մօտ. որովհետեւ մօտ է տեսութեանդ ժամը:

Աւծանդիլը պատասխանեց.

—Ես չեմ կարող բաժանել քեզնից. եթէ բաժանեմ նոյն իսկ, աչքերս չեն ցամաքիլ. միթէ չեռ լսել, որ երբ գովելի բժիշկը հիւանդանում է՝ նրա զարկերակը ուրիշն է տեսնում:

Այդ գիշեր, քնելու ժամանակ, երկուսն էլ երդմամբ եղբայրացան: Լուսաբացին Աւծանդիլը բաժանեց նրանից: Հեռանալիս նա Ասմաթին ասաց. «Քոյրիկ, երկու ամից յետոյ կը գամ ձեզ տեսութեան. իսկ եթէ չեկայ, իմացէք, որ փորձանքի եմ հանդիպել»:

Զ.

ԱԻԹԱՆԴԻԼԻ ԴԱՐՁԸ ԱՐԱԲԻԱ



Ավանդիլը հապճէպ հասաւ Արաբիա: Ամենից առաջ գնաց իր կալւածքը՝ ուր ընդառաջ էր

եկել նրա զօրքը: Աւծանդիլն և Շերմադինը (զօրքի հրամանատար, Աւծանդիլից նշանակւած) ջերմաջերմ համբուրւեցան: Այդտեղից ծիաւրներ սրբնթաց հասան թագաւորին և թագուհի Թինաթինին Աւծանդիլի դարձը աւետելու: Ի պատիւ Աւծանդիլի դարձի՝ բոստեան թագաւորը տւեց մեծ խնձոյք. այդտեղ Աւծանդիլը պատմեց միասմի Ընձենաւորի մասին իր տեսածն ու լսածը: Ամենքը մեծ հետաքրքրութեամբ լսում էին նրան, նամանաւանդ Թինաթինը, որ մարմնացեալ ուշադրութիւն էր դարձել:

Թինաթինը բաւականին գւարճանալուց յետոյ առանձնացաւ իր սենեակը և կանչել տւեց Աւծանդիլին: Նրանց խօսակցութեան նիւթը իրենց սէրն էր և այն չարչարանքներն, որոնց նրանք հնթարկւեցան միմեանց բացակացութեան ժամանակ: Թինաթինն ասում էր.

—Ներիր, սիրելիս, կրած չարչարանքներիդ համար:

—Ոչինչ, հոգեակս, կրած տանջանքներս, մեր բոլորի հետաքրքրութիւն շարժող Ընձենաւորին գտնելուց յետոյ, ինձ քաղցր են թւում. բայց յաւօք սրտի պիտի յացտնեմ, որ մենք նորից բաժանելու ենք. ես Տարիելին, այն է Ընձենաւորին, ազնիւ խօսք եմ տւել յետ դառնալ:

Թէւ Թինաթինի համար մահու չափ ծանր էր նորից բաժանել իր սրտի հասորից, բայց որովհետեւ երդմագանցութիւնը սաստիկ ատում էր, սիրով յօժարւեց:

Տուն դառնալով Աւծանդիլը մտածում էր.

—Պիտի հանգստանալ և համբերել. եթէ բարին ուղում եմ՝ չարին, էլ պիտի զիմադրեմ ու զիմանամ. պիտի բացի դրանից աշխատել, որ մեր սիրոյ կացները առաջմունքներից իրարից, ապա թէ ոչ կարող են բոնկւել:

Միւս օրը լուսանալուն պէս Աւծանդիլը թամքեց

ձին և գնաց վեզիրին խնդրեց, որ թագաւորին յայտնէ իր գնալու մասին Տարիէլի մօտ:

— Նա կենդանի մեռեալ է, աւելացրեց Աւթանդիլը. պիտի օդնել նրան և սփոփել:

Վեզիրը պատասխանեց. «Թէև յանձնարարութիւնդ կատարելով գլխատմամբ պիտի վարձատրեմ, բայց անսնելով դէպի ընկերդ տածած այցչափ սէրդ, քեզնից օրինակ վերցնելով գնում եմ յայտնելու. դուն էլ գիտես, որ շատ անգամ ասելը լաւ է չասելուց, թէև երբեմն ասելն էլ է վլասս։ Այդ ասելով վեզիրը գնաց յայտնեց թագաւորին Աւթանդիլի մտադրութեան մասին, աւելացնելով, որ եթէ թուլաւութիւն չարւի, նա կը փախչի, քանի որ, առանց Տարիէլի նրան ցերեկը գիշեր է թւում։

Պոստեանը սաստիկ բարկացաւ, վերցրեց աթոռը, խփեց, վեզիրի ճակատը պատռեց ու ասաց.

— Ինչպէս համարձակւեցար թոյլ, անշնորհք արարած, ինձ այդ յայտնելու, հեռացիր իսկոյն այստեղից. դու բոլորովին անյարմար ես վեզիրութեան համար։

Խեղճ վեզիրը արիւնոտ երեսով դուրս փախաւ՝ Շինչ որ մարդս իրան կ'անի թշնամին թշնամուն չի անի» փնթինթալով։ Քալով Աւթանդիլի մօտ պատմեց նրան բոլորը։ Աւթանդիլը առանց մի բոպէ կորցնելու, ուղղակի գնաց Ներմաղինի մօտ յանձնելու նրան թէ ընտանիքը, թէ զօրքը և թէ երկիրը։ Յանձնելու ժամանակ պատիրում էր Ներմաղինին. «Բարին խրախուսիր, չարը սաստիր, հաւասարիմների համար ոչինչ մի՛ ինալիր. դուն էլ պատրաստ կաց թագաւորի երկրորդը դառնալու և պաշտոնս ստանձնելու. իսկ այս կտակս, որ Պոստեան թագաւորին է ուղղած, կը յանձնես իրան։ Կտակում նա գրում էր. «Դիտնական Պլատոնն ասել է, ստորութիւնն և եր-

կերեսութիւնը վլասում են թէ մարմնուն և թէ հոգուն. ես չեմ ուզում՝ զանազան պատմառաբանութիւններով քեզնից բաժանել, բայց, կարծեմ բարեկամին մոռացութեան շտալը մեր պարտքն է և վլասակար չէ. որ անւանի մահ գերադասելի է պարսաւելի կեանքից, այդ էլ յայտնի է քեզ. սիրում եմ Տարիէլին անչափ սիրով և առանց նրան մութ է շրջում ինձ համար արեգը. ունեցած գանձիցս ու հարստութիւնիցը ինչ որ հաւանես՝ ի յիշատակ քեզ համար վերցրու, իսկ ինչ որ չէ, խնդրեմ բաժանես աղքատներին, որբերին և այրիներին։ Նրանք կը յիշեն ինձ իրանց աղօթքներում և կ'օրհնեն. վերջացնելով կտակս, իմ պաշտելի և թանկագին բարերարս, բաժանւում եմ քեզնից առողջութիւն և յաջողութիւն մաղթելով քեզ։

Աւթանդիլը Ներմաղինի հետ համբուրւելուց և լաց լինելուց յետոյ, ինդրեց Աստծուց բարի ճանապարհ, և յաջողութիւն, հեծաւ ձին և անհետացաւ։

Միւս օրը թագաւորը կանչեց վեզիրին և ասաց քաղցրութեամբ։

— Երէկ ինչ էիր ասում, չեմ յիշում, մի քիչ վըրդոված էի։

Վեզիրը նախկին օրւաց ասածը կրինելով դուրս եկաւ Աւթանդիլին գտնելու, բայց երբ ծառաները յայտնեցին նրան Աւթանդիլի փախուստը, նա վախից չհամարձակւեց մտնել և յայտնել թագաւորին այդ բոթը, յիշելով երեկուաց դէպքը։ Թագաւորը տեսնելով, որ վեզիրն ուշացաւ, մարդ ուղարկեց նրա յետևից. բայց երբ այդ մարդն էլ չերեաց, այն ժամանակ թագաւորն ընկաւ կասկածանքի մէջ. «Ձինի թէ փախել է, որ այլւս ոչոք չի մտնում սենեակս» մտածում էր նա. ուղիղն իմանալու համար նա

հրամայեց ծառային կանչել վեզիրը վախվիս-
լով մտաւ և յանձնեց թագաւորին Ներմաղինից սոտացած
Աւթանդիլի կտակը: Կտակը կարդալուն պէս ամենքն սկսան
լաւ, իսկ թագաւորը միրուքը փեսում էր ու ասում:

— Տէր, մենք ի՞նչ արինք նրան, որ նա մեզ այս օրը
ձգեց. ախ ո՞րդի, ի՞նչու մեր արևը խաւարեցրիր և ստեղդ
չքացրիր. ամբողջ զօրախումբը սպաների հետ թող սե
հադնեն, նրա ամբողջ հարսութիւնը բաժանեցէք որբե-
րին և չքաւորներին, կարելի է նրանց աղօթքն ու օրհնու-
թիւնը խաղաղութեամբ հացնեն նրան իր նոդատակին:

Հ.

ԱԽԹԱՆԴԻԼԻ ՎԵՐՍԴԱՐՁԼ ՏԱՐԻԵԼԻ ՄՕՏ



Աւթանդիլը ինքն իրեն հետ խօսելով արա-
գաքայլ առաջ էր գնում շարունակ. միտեղ այծեամ էր
սպանում-մորթում, խորովում, ուտում, միւս տեղ քնում և
ապա կրկին ճանապարհ ընկնում: Վերջապէս հասաւ քար-
այրը, տեսաւ Ասմաթին, փաթաթւեց, ու ապա հարցրեց.

— Ո՞ւր է տէրդ և եղբայրս:

— Դու հեռացար թէ չէ նա էլ հեռացաւ ինձնից և
մինչեւ այժմ չգիտեմ՝ կինդանի է թէ մեռած, պատաս-
խանեց Ասմաթը:

Աւթանդիլը, շանթահար եղած այդ լուրից, վշտա-
բեկ սրտով ասաց:

— Ի՞նչու չհամբերեց ու ինձ խարեց, մի՞թէ ես
խոստմնազանց եղայ. Աստւած իմ, այս ի՞նչ անբախտ
մարդ եմ, ես այնտեղ թագն ու պատկս թողած դրա հա-
մար փախայ. իսկ դա նոյն իսկ չսպասեց ինձ:

Ասմաթը պատասխանեց. «Չինական քարի վրաց
գրած առածը ուղիղ է ասում» ով որ չի ուղում բարե-
կամ գոնել՝ նա իր զիսի թշնամի է:

Ասմաթը ինդրեց նրան փնտրել ընձենաւորին և
գանել գոնեա նրա զիսիկը: Աւթանդիլը, որ առանց Աս-
մաթի ասելու էլ վճռել էր գանել Տարիէլին, ճանապարհ
ընկաւ և ամբողջ երեք օր ու զիշեր փնտրելուց յետոյ,
վերջապէս նկատեց շամբուաների մէջ մի ինչ որ բան:
Յած իջնելով, տեսաւ, որ Տարիէլն է. նա դառնագին ար-
տասւում էր: Աւթանդիլը համբուրեց նրան, բայց նա
ոչինչ չզգաց: Տարիէլի աջ կողմը ընկած էր մի առիւծ,
իսկ ձախ կողմը՝ մի ինձ: Աւթանդիլի կո՛րրգը քիչ էր
մնաւմ՝ պատուէր շատ աղաղակելուց, բայց Տարիէլը այս-
պէս էր ընկղմէլ գառն մոտածմունքների մէջ, որ ոչինչ
չէր լսում: Վերջապէս նա հազիւ հաղ ուշքի գալով ճա-
նաչեց Աւթանդիլին, համբուրեց նրան և ասաց.

— Ես իմ ուխտա, այն է քեզ տեսնելս՝ կատարեցի,
ոյժմ թողլուր հանդիսատ մեանեմ, միացն ինդրում եմ մար-
մինս գաղանների կերակուր չդարձնես, այլ յանձնիր հողին:

— Ինչեր ես ատում, եղբայր, այդ ի՞նչ սատանաց է
մուել ուղեղդ. ոչ ոք սիրահարւած չէ եղել ի՞նչ է, ով է
այգապէս արել, ամօթ չէ մարդուն անձնապանութիւն-
գործել. մի՞թէ չդիտես, որ վսրդ քաղելիս փշերը կը
ծակծկեն, լսիր ինձ, հեծիր ձիդ, գնանք, յանկութեանդ
մի հետեւիր:

Ընձենաւորը չէր ուղում յետ դառնալ իր մոտադրութիւ-
նից: Ճարը կարած՝ Աւթանդիլը գիմեց հետեւեալ միջոցի:

— Ես տեսնում եմ, ասաց Աւթանդիլը, որ ինձ այլ
ես չես սիրում, գոնեա կատարիր վերջին ինդիրս, մի ան-
գամ էլ հեծիր ձիդ, որ տեսնեմ և կշտանամ:

Աւթանդիլը շատ լաւ գիտէր, որ, եթէ Տարիէլը հեծնի, մի կերպ նրա թախիծը կը փարատւի և կ'ազատւի մահաբեր մտածմունքներից։ Նա չօխալւեց։ Տարիէլը համաձայնւեց. վերջինիս մի քիչ առաջ տանելուց յետոց Աւթանդիլն ասաց.

— Ինչու ես մոռացել Ասմաթիդ, սիրուհուդ առաջին անգամ տեսնողին, նրա դաստիարակողին և քոյրացուիդ. չէ որ նա քեզ վրայ էլ մեծ խնամք ունի. ապա ուրեմն ինչու խեղճին թողել ես անտէր, անպաշտպան և անուշադիր։

— Ուզի՞ղ է ասածդ, գնանք տեսնենք, պատասխանեց Տարիէլը։ Ուրեմն սուտ չի ասած թէ՝ քաղցր լեզուն օճին էլ կը հանի իր բնիցը, ինչպէս և Աւթանդիլը քաղցրութեամբ հանեց Տարիէլին մահւան գուբից։ Նրանք ճանապարհ ընկան դէպի քարայրը։ Ճանապարհին Աւթանդիլը հարցրեց Տարիէլին նրա լալու պատճառը։

Տարիէլն էլ պատմեց. Ենրբ ես կանգնած էի շամբուտներում (եղեգներ)՝ տեսայ մի ինձ և առիւծ միմեանց յետելից վազելիս և խաղալիս։ Նրանք կարծես երկու սիրահարներ լինէին. վերջը սկսեցին կուել. առիւծը իր ուժեղ թաթերով ընձուն յաղթելուց յետոց սկսեց հետեւ նրան՝ սպանելու համար։ Տեսնելով, որ նա ուզում է իր սիրուհուն սպանել, բարկութիւնս եկաւ և սպանեցի նրան։ Առիւծին սպանելուց յետոց բռնեցի լնձուն՝ համբուրելու ինձ այրող համբոյրով, բայց նա չթողեց և սկսեց չանկրուել ինձ. ես չկարողացայ համբերել և, ոտնահար անելով նրան, սպանեցի։

«Դրանք իրանց վարմունքով յիշեցրին ինձ սիրուհու հետ իմ ունեցած կապը։ Ես վաղուց է կեանքից ձեռք եմ վերցրել, իսկ նա դեռ ապրում է։ ինձ մահն էլ չի

մօտենում, իսկ նա դեռ հրձւում է լոյսով. այս բոլորից յետոց մի՞թէ իրաւունք չունէի լալու։

— Սիրահարներին, մսիթարելով ասում էր Աւթանդիլը, միշտ զանազան փորձանքներ և հանդիպում, բայց չպիտի փհատւին. եթէ Աստուած չկամենար՝ ձեզ երկուսիդ առաջուց չէր միացնիլ. ուստի կարծում եմ, որ վերջի վերջոյ դուք միմեանց կը գտնէք և կը միանաք սուրբ սիրով։

Այսպէս զրուցելով նրանք հասան քարայրը։ Ասմաթը զուրս եկաւ գրկեց երկուսին էլ և շնորհակալութիւն առաքեց Աստծուն, որ նրանց յետ դարձեց։ Մտնելով քարայրը նրանք լաւ ճաշ արին։ Ճաշին Տարիէլն ասաց Աւթանդիլին.

— Դարձիր Արաբիա, գոնեա դու ապրիր արևովդ և սիրոյ քաղցրութեամբ։

— Ախր, սիրելիս, ինչպէս յետ դառնամ, քանի որ նրա խնդիրքով եմ եկել մօտդ, եթէ ես կարողացայ օգնել քեզ, նրան մեծ ծառայութիւն մատօւցած կը լինեմ. նա էր որ ասում էր ինձ շարունակ. «Դժւար գործ կատարողն է նշանաւոր մարդ», ուստի աւելի լաւ է գնամ վնատրեմ անտես-աննմանիդ, կարելի է մի կերպ գտնեմ նրան, և, եթէ մի տարուց յետոց յետ չդառնամ այս քարայրը, իմացիր, որ փորձանքի մէջ եմ ընկել։ Տարիէլը չհակառակւեց։

Միւս առաւօտեան երկու ընկերներ միասին գուրս գնացին ծովափը։ Ազտեղ որս արին, կերան, քնեցին և առաւօտեան լուսադեմին Աւթանդիլը ճանապարհ ընկաւ Փրիդոն թագաւորի կողմը, արտասուքի հեղեղներ թափելով։ Բաժանելով Տարիէլից նա ասաց. «Ո՞հ դու, աշխարհ, ինչու մն ես կայանում։ ինչ է միտքդ, ինչ ես շուռ

տալիս մեզ, այդ ինչ բնաւորութիւն ունիս, որ ինձ նման իւրաքանչիւր քեզ ցանկացողը ինձ նման լալիս է. որտեղացոն որտեղ ես մեացնում և որտեղ նրա համար գերեզման փորում, բայց Աստւած չի կորցնում քեզնից հալածւածին:

L.

ԱԹՎԵԴԻԼ ԵՒ ՓՐԻԴՈՆ ԹԱԳԱԽՈՐԾ



Աթանգիլը ասողերի հետ զբուցելով և մինչեւ իսկ իր քաջցր երգերով թռչուններին գրաւելով՝ շրջեց ամբողջ եօթանասուն օր և վերջը մի ծովափին մի քանի նաւալարների հանդիպելով՝ հարցրեց նրանց.

—Ո՞վ էք դոք, և ով է այս աշխարհի տէրը: Նրանք սպասախանեցին:

—Մենք քաջ և գեղեցիկ նուրագին-Փրիդոն թագաւորի հպատակներ ենք:

—Ենորհակալութիւն, հէնց նրան եմ վնարում, բայց մը կողմն է կենում՝ ինպրեմ, ինձ ճանապարհ ցոյց տաք:

Նաւաստիները սիրով կատարեցին Աթանգիլի խընդիրը և ցոյց տւին Մուլդազանզար քաղաքի ճանապարհը: Դեռ քաղաքին չհասած Աթանգիլը տեսաւ մի խումբ զինւորներ, որոնք որտով էին զբաղւած: Աթանգիլը զինւորներից մինին հարցրեց.

—Ո՞վ է այն, որ ամենքին հրամայում է:

—Նուրագին-Փրիդոնն է, եղաւ զինւորի պատասխանը: Ահա այդ միջոցին, մի կործ (թռչուն, կոնդօր) ժամանակ զօրքի զլխով և ոչ ոք չկարողացաւ իր ժամանակին նետահար անել նրան: Աթանգիլի նետ արձակելն ու կործի ժամփիթափ ընկնել մին եղաւ:

Զինւորները նկատելով այդպիսի մի ճարպիկութիւն՝ զինաթափ եղան և զմացլում էին Աթանգիլի գեղանի տեսքով: Թագաւորը տեսնելով, որ կարգը խանգարւեց և շրջանն էլ քանդուեց, մարդ ուղարկեց բանի էութիւնն իմանալու համար: Աթանգիլը նկատեց որ մարդը դեպի իրան է գալիս, ասաց. «Գնա յայտնիր թագաւորիդ, որ ես մի օտարական և Տարիէլի երդմնեղբայրն եմ ու եկել եմ դործով իր մօտ:

Այն մարդը Աթանգիլի խնդիրը կատարեց: Փրիդոնը «Տարիէլ» լսեց թէ չէ լաց եղաւ և, կանչելով Աթանգիլին, համբուրեց նրան:

—Գիտեմ, ասաց Աթանգիլը, հետաքրքրում ես Տարիէլով, ես իսկոյն յադուրդ կը տամ հետաքրքրութեանդ՝ պատմելով իմ եղբօր (թէն ես նրա ծառայ կոչուելու էլ արժանի չեմ) և իմ գալուս մասին:

Աթանգիլը մանրամասնօրէն պատմեց, որ ինքը Սրաբիացի Ռոստեան թագաւորի սպարապետն է և որ մի անգամ, որսին, ծովի ափին տեսան մի ընձենաւոր, այդ ընձենաւորը իրանց մարդոց կոտորեց և անհետացաւ: Ռոստեան թագաւորի հետաքրքրութիւնը շարժւեց թէ ով էր նա. ուստի ինքը (Աթանգիլը) ստիպւեց երկար վնարել ընձենաւորին, վերջապէս գտաւ նրան: Տարիէլը նրան պատմեց իր զլխով անցած պատմութիւնը: Այդ բոլորը Ռոստեանին պատմելուց յետոյ կրկին այցելեց Տարիէլին: Աթանգիլը աւարտելով իր պատմութիւնը աւելացրեց. «Տարիէլը քո մասին ասում էր, որ դու տեսել ես ծովի ափին նրա լուսաշաղ արև նեստանին. ահա այժմ եկել եմ խնդրելու՝ ցոյց տալ ինձ նրան տեսած տեղը և նեստանին փախցնող արաբների ճանապարհը: Փրիդոնը ուշագրութեամբ լսեց Աթանգիլի

պատմութիւնը, տարաւ նրան քաղաք, սարքեց մի մեծ հանդէս և խնդոյք: Որովհետեւ Աւթանդիլը շտապում էր, ուստի ցամախ ասում էր Փրիդոնին.

—Տէր արքաց, ամեն մի բոպէ թանկ է ինձ և նամանաւանդ Տարիէլի համար, արձակիր ինձ, որքան կարելի է շուա, և ցոյց տուր իմ խնդրած տեղը:

—Ասուած օրհնի ճս նապարհոյ, բայց համարձակւում եմ ասելու, որ մենակ դժւար է քեզ այդ գործը յաջողեցնել, այդ պատճառով քո տրամադրութեան ներքոյ եմ թողնում ծառաներս և ուղաերս, պատասխանեց Փրիդոնը:

Աւթանդիլը վերցրեց չորս ծառայ և պաշար ու Փրիդոնի հետ ճանապարհ ընկաւ. Փրիդոնը, ցոյց տալով տեղը, բաժանեց նրանից:

Թ.

ԱԻԹԱՆԴԻԼ ՈՐՈՇՈՒՄ Է ՆԵՍՏԱՆ-ԴԱՐԵԶԱՆԻՆ



Այդ տեղից սկսած Աւթանդիլը էլ անց ու դարձ անող չթողեց, որ Տարիէլի սիրուհու մասին չհարցնէր, բայց զուր ժամավաճառ էր լինում: Մի անգամ նո ծովի ափին տեսաւ մի քարւան և նրա հարցին, թէ ովքեր են նրանք, քարւանատէրերը պատասխանեցին.

—Մենք Բաղդադի մահմեդական՝ գինի չխմող՝ վաճառականներ ենք, տարակուսած մնացել ենք այսուեղ, որովհետեւ ծովահենների պատճառով ծով չենք կարողանում մտնել, ահա այս նոր ուշքի բերած վիրաւորւածը կենդանի վկաց կարող է լինել նրանց բարբարոսութեան, ձեզ էլ խորհուրդ չենք տալ մտնել ծովը:

—Մի վախենաք, ես ձեզ հետ եմ, իմ սուրս կը ունեկ, գալիքը կը դայ, գնանք:

Վաճառականները այդ լսելով՝ սաստիկ ուրախացան, որովհետեւ չէին կարողանում շարժւել ոչ առաջ և ոչ յետ: Ամենքը տեղաւորւեցան նաւերում: Քիչ առաջ գնացին թէ չէ՝ նրանց վրայ յարձակւեցին ծովահեններ իրանց նաւերով: Աւթանդիլը նաւի գլխին կանգնած իր երկաթէ գաւազանով մի քաշելում իննը-տասնը հոգի էր պառկեցնում: Ծովահենները նկատելով այդ՝ ցրւեցան և մինչեւ անգամ մի քանիսը անձնատուր եղան վախից: Այդ թութիւնից բաւական աւար հաւաքեցին: Վաճառականների ուրախութեանը չափ չկար. նրանք չէին իմանում թէ ինչով հատուցանեն Աւթանդիլին այդ բոլորի համար: Նրանք առաջարկեցին Աւթանդիլին ամբողջ աւարը իրեւ ամենաքաջին, բայց Աւթանդիլն ասաց. «Յաղթութիւնը ոչ թէ իմ շնորհիս տարանք, այլ Աստուծոյ, ուստի շնորհակալ լինենք նրանից, որովհետեւ եթէ նա չուզենար, մենք չէինք յաղթիլ. մի բան միայն կը ինդրեմ և յուսով եմ, որ ինդիրս չէք մերժի. ես չեմ ուզում ձեր ոչ մի հարստութիւնը, ինձ ընտրէք ձեր գլխաւոր և ոչոքին չասէք թէ ով եմ ես, որովհետեւ գործս, որի համար եկել եմ ես այս քաղաք, այդպէս է պահանջում: Վաճառականները սիրով ընդունեցին նրա առաջարկութիւնը: Թիավարելով դէպի առաջ՝ նրանց պատահեց մի սիրուն քաղաք իր գեղեցիկ այգիներով:

Հասնելով ծովափիլ, նրանք իրանց նաւակինները կապեցին մի այգու մօտ: Գտան և այցելապահին ու սկսեցին հարց ու փորձ անել քաղաքի անւան, նրա թագաւորի և այլոց մասին: Այգեպանը պատասխանեց.

—Քաղաքիս անունն է Գուլանշար, իսկ թագաւորին

Մելիք — Սուխառ: Մեր քաղաքը բաւականին ուրախ քաղաք է. այսուղ շարունակ հրճւանք է ափրում, ամառ-ձմեռ ծաղիկների մէջ ենք ապրում, որով շարժում ենք օտար-ների նախանձը: Ես վաճառականապես Ուսենի ազգեպանն եմ: Տէրս միւնոյն ժամանակ կարգադրիչ է քաղաք եկող բոլոր քարւաների, որոնք պարտաւոր են իրանց թերած ապրանքից ընծաներ մատուցանել նրան: Դրանից յետոյ միայն իրաւունք է արւում նրանց ծախել բէրած ապրանքը, այժմ նա այսուղ չէ. նրա պաշտօնը կատարում է նրա հիւրասէր կին — Ֆաթման-Խանումը, գնամ յայտնեմ ձեր գալուստը:

— Գնամ, արա ցանկացածիդ պէս, պատասխանեց Աւթանդիլը:

Սցեկապանը գնաց Ֆաթմանին յայտնեց ամեն ինչ չմոռացաւ յայտնել նաև, որ վաճառականների գլխաւորը շատ սիրուն տղամարդ է: Ֆաթմանը իսկոյն տասը մարդ ուղարկեց, նրանց համար քարւանարաց պատրաստել ուեց և Աւթանդիլն սիրով ընդունեց: Ինքը Ֆաթմանը շատ էլ գեղեցիկ չէր. նա մի կարճահասակ, զեր ու զւարձասէր կին էր: Աւթանդիլը ներկացանալիս մատուցեց նրան թանկագին ընծաներ, բայց շուտ չկարողացաւ ազատուել Ֆաթմանից:

— Գնացէք, վաճառէք ձեր ապրանքը, միայն չմոռանաք ինչ որ ես ձեզ ասացի, ասաց միւս օրը Աւթանդիլը վաճառականներին: Աւթանդիլը հագին ունէր վաճառականի հանդերձ: Ֆաթմանը առաջին տեսնելուն պէս սիրահարւեց Աւթանդիլի վրայ և չէր իմանում ինչ կերպ խեղաէր այդ սէրը իր մէջ: Եթէ սիրահարական նամակ գրէր՝ քաշւում էր, որովհետեւ մտածում էր՝ չինի թէ Աւթանդիլը խողովի և այդպիսով նրա տեսնելուց էլ

զրկւի. բայց նրա սէրը հետզհետէ բորբոքւում էր լնոթանալով բնական ճանապարհով: Այդ բորբոքման հետեւանքն այն եղաւ, որ Ֆաթմանը չդիմացաւ և նամակ գրեց, մտածելով, որ եթէ մէկը ցանկանում է բժշկւել, պիտի իր ցաւը բժշկին յայտնի անպատճառ: Նամակում նա գովում էր Աւթանդիլին և ինգրում շուտափոյթ պատասխան:

Աւթանդիլը կարդալով նամակը՝ քմծիծաղ տւեց և ասաց:

— Այդ ողորմելին դեռ չի իմանում թէ սիրոս ումն է պտոււմ և ում համար ազաքան տանջւում:

Աւթանդիլը պատասխանեց թէ համաձայն է գալ, միայն այն պայմանով, որ մօտը մարդ չինի: Ֆաթմանի ուզածն էլ հէնց այդ էր. բայց այն ժամանակ, երբ Աւթանդիլը պատրաստում էր գնալ Ֆաթմանի մօա, մի նամակ ստացաւ նրանից, թէ այժմ անյարմար է գալ: Աւթանդիլն իրան անպատճած համարելով ուշք չդարձրեց և գնաց:

Ֆաթմանը տեսնելով նրան՝ փաթաթւեց և համբուրեց: Հէնց այդ րոպէին ներս մտաւ մի մարդ ծառայի հետ և, նկատելով դրանց փաթաթւիլը, ասաց:

— Ձեմ արգելում, լիրք, միայն լուսանալուն պէս կը տուժես այդ բոլորի համար. որդոցդ ատամներով կը գզգզեմ, անառակ, դու ինձ խայտառակեցիր:

Այս ասելով նա դուրս գնաց: Ֆաթմանը լալով ու մղկտալով գլխակոր ասում էր. «Կորան, դուր կորան որոշիքս»:

— Ի՞նչ կայ, ի՞նչի ես լալիս, հարցրեց Աւթանդիլը:

— Էլ ոչինչ մի հարցնիլ. եթէ ուզում ես փրկել ինձ, սպանիր մեզ նկատող մարդուն և նրա մատիցը հանիր

մատանին, որովհետեւ եթէ նա համնի արքունիք և պատմի իրան յայտնած գաղտնիքս, թագաւորը ինձ որդոցս հետ կը կորցնի դաւաճանութեանս համար։ Աւթանդիլն ասաց. Ճշէք ինձ մի մարդ, որ ցոյց տայ նրա տունը։ Ֆաթմանի ծառաներից մինը ցոյց տեղ այն մարդու տեղը։ Դուան մօտ կանդնած երկու պահապանին սպանելով, Աւթանդիլը ներս մուտ և, ժամանակ չտալով նրան օգնութեան կանչել, վզից բռնեց և սրով խողխողեց նրան անկողնում։ Ապա մատանին հանելով նրա մատիցը, դիակը նետեց ծովը։ Աւթանդիլը վերադառնալով ասաց Ֆաթմանին.

— Հանգստացիր, սպանւած է նա. ահա ստացիր նրա մատանին և պատմիր թէ ով էր նա, ինչու էր սպառնում քեզ և ինչու էիր լալիս։

Ֆաթմանը, նրա ոտներն ընկնելով, ասաց.

— Ես ուղերիդ հողին էլ արժանի չեմ, որովհետեւ դու փրկեցիր թէ ինձ և թէ որդոցս. այժմ հանգիստ սրտով կարող եմ ամեն ինչ պատմել քեզ։

Ժ.

ՑԱԹՄԱՆԻ ՊԱՏՄԱԾԸ ՆԵՍՏԱՆԻ ՄԱՍԻՆ



աղաքիս սովորութեան համեմատ—սկսեց Ֆաթմանը— նաւրուզի տօնին (նոր-տարի) առևտուրը ընդհատում է և քաղաքիցս ոչ ոք չի հեռանում. ամենքը զուգում-զարդարւում են և ամբողջ տասն օր թագաւորի մօտ ուրախութիւն անում։ Նոր տարու օրը ամուսինս, որ վաճառականապետ է, տանում է բոլոր վաճառականներին թագաւորին ներկայացնում շնորհաւորելու.

Ես էլ նրանց կանանց եմ տանում թագուհու մօտ նոյն նպատակով։ Այս նորտարու օրը, բոլոր խաթուններին (տիկիններին) թագուհուն ներկայացնելուց յետոյ՝ դարձանք մեր տուն մի քիչ զւարճանալու։ Այդ միջոցին թախիծ պատեց ինձ։ Հիւրերը այդ նկատեցին և մենակ թողին ինձ։ Մի քիչ թարմանալու համար ես դուրս գնացի ծովի ափին գտնուած մեր ացգին. ահա այդ այցուց նկատեցի ծովի երեսին մի սև կէտ, որ քանի մօտենում էր այնքան մեծանում էր։ Այդ մի նաւ էր։ Նաւաստինները մօտենալով ափին և չորս կողմը ոչոքին չնկատելով, վախվսելով նաւից դուրս հանեցին մի չքնաղագեղ աղջիկ. իս զմայլւեցի. նա կարծես պայծառ արելիներ, իսկոյն կանչեցի ծառաներիցս չորս հոգուն և ասացի.

— Տեսնում էք այդ նաւը, կարծեմ նաւավարները մի գերուհի ունին. դնացէք առաջարկեցէք նրանց, որ այն գերուհուն վաճառեն. ինչքան դնահատեն՝ վճարեցէք. իսկ եթէ չհամաձայնեն՝ սպանեցէք նրանց և գերուհուն բերէք մօտ։

Տառաներս տեսնելով, որ չեն վաճառում, սպանեցին նաւաստիններին և գերուհուն բերեցին մօտս. նա մի չքնաղ աղջիկ էր, որ չուտէիր, չխմէիր, միայն նրան նայէիր։

Այդտեղ Ֆաթմանը սկսեց լալ աղիողորմ կերպով։ Աւթանդիլն էլ չկարողացաւ զսպել իրան և դառն կերպով սկսեց հեկեկալ. սակայն մի փոքր յետոյ խնդրեց աւարտել պատմութիւնը։

— Առաջ ընկայ, շարունակեց Ֆաթմանը, էլ տեղ չմնաց նրա վրայ, որ ես համբոյր չդրոշմէի, տարայ տուն, նստացրի նրան թախթի վրայ. հարցըրի՝ ով ես, ո՞ր աշ-

Խարհից կամ ազգից, ովքեր էին այն արաբները, որ տանում էին քեզ, և ուրի Սննմանը ոչինչ չպատասխանեց, այլ սկսեց լալ։ Մի քիչ հանգստանալուց յետոց ասաց նա.

—Դու ինձ աղատելուց յետոց աւելի մեծ երախտիք ունիս ինձ վրաց քան թէ մայրս. էլ ինչիդ է պէտք քեզ իմ ով լինելը. դա մի ահագին պատմութիւն է. ուստի ոչ մի հարցմունքիդ չեմ կարող պատասխանել։

Վերջացնելով այդ, նա դարձեալ սկսեց լալ։ Ես նրա համար առանձին սեղան կահաւորեցի և մի աղախին տւիր Գեղանիս յամառութեամբ լուռմ էր. լուռ էի նոյնպէս և ես։ Ամեն օր նկատում էի նրա առաջ արտասուքից դրյացած մի լիճ։ Ես աղաչում պաղատում էի, որ նա յայտնէր՝ թէ ով է ինքը. բայց ապարդիւն անցաւ իմ ջանքս։ Ես մտածում էի թէ մինչև Երբ ուղահեմ սրան աջապէս ծածկաբար. վերջ ի վերջոց վճռեցի աննմանի մասին յայտնել ամուսնուս, թէև դարձեալ կառկածում էի, որ նա մի օր թագաւորին հաճոյանալու համար կը յայտնէր ամեն բան։ Ամուսնուս երդեցրի, որ աղջկաց մասին ոչ ոքի բան չասէր, և ապա պատմեցի բոլորը. յետոց տարաց ցոյց տալու նրան այն արուսեակին։ Ամուսինս նրան որ տեսաւ՝ զմայլեց։ Նորից հարց ու փորձ արինք նրա ով լինելու մասին, սակայն դարձեալ զուր։

—Ի՞նչու ես դեղնել, ցաւդ ի՞նչ է, յայտնիր, որ դարման անենք, հարցրինք մենք։

—Ոչինչ չդիտեմ, հանգիստ թողէք ինձ. ասաց վերջապէս նա և նորից սկսեց արցունքներ թափել։ Մի քանի օրից յետ, Ուսէն ամուսինս ասաց ինձ։

—Վաղուց է թագաւորի մօտ չեմ եղել, ուզում

եմ այսօր դնալ։ Նա սինիների վրաց մարդարիտներ ու գանազան լնծաներ շարելով տարաւ իր հետ թագաւորի մօտ։ Գնալիս ես զգուշացրի նրան յիշեցնելով իր խոստումը։ Թագաւորը տեսնելով այնքան ակնեղէններ՝ զարմանում է և հարցնում ամուսնուս։

—Ուսէն, որտեղից է այդքան ակնեղէն։

—Տէր արքաց, ունեցած չունեցածս բոլորը ձեր շնորհածն է. բայց բերածս ոչինչ է, տէր, համեմատութեամբ այն լնծայի, որ ես պատրաստել եմ թագաժառ ունդի համար։

Այդտեղ ամուսինս մանրամասնաբար սկսում է պատմել թագաւորին հիւրերի ներկայութեամբ Նեստան-Դարեշանի մասին։ Այդպիսով ամուսինս երգմնազանց գանւեց, շարունակեց ֆաթմանը, —որովհետեւ ագռաւն ինչ գիտէ, վարդն ինչ բան է, կամ մի թէ էշին սազ կը գան պօզերը։ Թագաւորի հետաքրքրութիւնը շարժւում է և վաթսուն զինւորած մարդ է ուղարկում մեր տուն ու պահանջում թագաժառանգին լնծայած աղջկան։ Ես խորը խոցւած ու շանթահար այդ հրամանից, մերժեցի. բայց, նկատելով ամուսնուս ակներև դաւաճանութիւնը՝ մտայ Նեստանի մօտ և լաց ու կոծով պատմեցի նրան բանի էութիւնը։ Նա սառնասրտութեամբ պատասխանեց։

—Է՛ն, ոչինչ, գժրախտութիւնն ինձ համար առվորական բան է. զա ոչ առաջինն է և ոչ էլ վերջինը կը լինի. զարմացիր միայն այն ժամանակ, երբ բախտաւորութիւն պատահի ինձ։

Նեստանին շատ ուկի, մարդարիտ ու ակնեղէն տաշուց յետոց ճարահատեալ յանձնեցի նրան թագաւորի տւղարկած մարդկանց։ Թագաւորը ընդ առաջ եկաւ և, տեսնելով աղջկաց գեղեցկութիւնը՝ հիացած մնաց։ Ժո-

զովուրդը միմևանց հրելով առաջ էր ընկնում աննմանին տեսնելու։ Սարքւեց դափի ու գուռնան, քէֆ ու ուրախութիւն։ Թագաւորը, նեստան-Դարեջանին նստեցնելով իր կողքին, անլընդհաս հարց ու փորձ էր անում— ժրտեղացի է, ով է նա, բայց նա քարի նման լուռ էր. թագաւորի համբերութիւնը հատաւ. ուստի ասաց.

— Սա կամ սիրահարւած է և մտքով վերացած դեպի իր սիրեկանը, կամ զիտեական է, որ արհամարհում է ամեն ինչ. երեխ աշխարհս մի աւելորդ բան է սրա համար, որ այսպէս խորագննին կերպով նայում է ամենքին։ Հազցրէք սրան թագաւորական հալաւ. դրէք գլխին ոսկեայ թագ, տարեք թագաժառանդի սենեակը և նստեցրէք ոսկեայ թախթի վրայ։ Դուանը կանգնեցրէք ինն աղախին սրան ծառացելու համար և պահեցէք մինչև որդուս դալը. Ուսէնին էլ չմոռանաք տալ մեծ քանակութեամբ ոսկի. և թանկադին ալիներ։

Այդ բոլոր հրամանները սրբութեամբ կատարւեցին. բայց նեստան-Դարեջանը դարձեալ լուռ էր ու լուռ. նա մոտածում էր. «Ումն եմ փնտում, ումը գտնում և ում համար են ինձ պատրաստում. բայց ով է տառապանքից մեռել, ինչու չգւարճանալ, կարելի է դրանով նըստակիս համնում եմ»։ Մի անգամ նա ասաց աղախին-ներին.

— Ճանապարհ ցոյց տէք և թողէք ինձ գնալու, թէ չէ ես ինձ կը սպանեմ, որի հետեանքը այն կը լինի, որ բոլորդ էլ կը կորչէք. ահա, ինչ որ վրէս ոսկեղէն ու ակնեղէն կաց, բոլորը ձեզ կը տամ, միայն թողէք ինձ։ Ոսկին աղախինների աչքը շլացրեց. նրանք համաձայնեցին. տեսնեմ կէս գիշերին մինը սասաիկ ծեծում է դուռս. բաց արի և ինչ—առաջս կանգնած էր նեստանը.

Նա վզովս փաթաթւեց և ասաց. «Նատ և շատ շընորհակալ եմ բարութեանդ համար, որով հետեւ տւած ոսկիներովդ գլուխս ազատեցի. շտաղիր մի ձի էլ տուր ինձ և դրանով արած բարութիւնդ կատարեալ կը լինի»։

Խսկոյն փախայ, դուրս բերի մի գեղեցիկ արագոտն նժոյգ և տւի նրան. նա հեծաւ քաջարի ալէս և ոլացաւ, Թագաւորը ամեն կողմ խնդրամներ ուղարկեց նրան գտնելու, բայց իզուր։ Ինձ մօտ էլ եկան հարցրին. ես պատասխանեցի. «Եթէ գիտենամ, թագաւորի և ամբողջ ժողովրդի մեղքը վզիս լինի»։

— Սիրելի Աւթանդիլ, մնացածը յետոյ կը շարունակեմ. իսկ այժմ լիր թէ ինչու այն մարդը, որին դու սպանեցիր և իմ բարեկամն էր, հետո թշնամացաւ։ Այդ, իմ բարեկամին, ասաց Ֆաթմանը, պատմել էի նեստանի փախուտը. նա շարունակ սպառնում էր ինձ թէ կը գնամ թագաւորին, կը յացնեմ. ահա այսօր քեզ կանելուց յետոյ իմացայ, որ նա էլ է ուզում գալ. ուստի իսկոյն մարդ ուղարկեցի մօտդ, որ չգաս. բայց դու, երեխ նեղանալով ինձնից, եկար. նա էլ գալով և քեզ ինձ մօտ նկատելով, դուրս փախաւ մատնելու թագաւորին՝ թէ ինձ և թէ որդոց. այդ էր պատճառը, որ քեզ ինդրեցի սպանել նրան։

— Գրւած է՝ թէ ազգական կամ բարեկամ թշնամին բոլոր թշնամիներից աւելի զօրեղ թշնամի է. ահա այդ բարեկամ թշնամիդ սպանւած է, պատասխանեց Աւթանդիլը. իսկ այժմ շարունակիր թէ ինչ եղաւ Տարիելի սիրտն ու միտքը։ Ֆաթմանը շարունակեց.

ՆԵՍՏԱՆ-ԴԱՐԵԶԱՆԲ ՔԱԶԿԱՍԱՆԻՄ



Եսուան զարեջանի փախուստից յետոց, զըգ-
ւեցի թէ տանից, թէ որդկերանցիցս և թէ ամեն բա-
նից. ևս չկարողացայ չորացնել արտասուքի այն առւակը,
որ հոսում էր աչքերիցս:

Մի անդամ թախծալի սրտով գնացի քաղաքի իջև-
անը. այնտեղ ճաշում էին հինգ մարդ: Նրանց զլիսա-
ւորն ասաց.

— Եղբայրներ, մենք ընկերացել ենք, բայց մինչ օրս
իրար դեռ լաւ չենք ճանաչում, նոյն իսկ իրար պատ-
մութիւն էլ չփրտենք, դա ամօթ է մեզ հասար. ուստի
բարւոք չ' լինիլ արդեօք, որ իւրաքանչիւրը մեզնից իր
գլխի անցածը և սրուում եղածը պատմի: Նրանք սիրով
պատմեցին: Հերթի հասաւ գլխաւորին: Նա ասաց.

— Եմ պատմութիւնս կարծում եմ աւելի հետա-
քըքիր պիտի լինի: Նև ինքս քաջատանցի եմ. մեր թա-
գաւորի մահւանից յետոյ տէրութիւնը սկսեց կառավարել
նրա քոյզ՝ Դուլարդուխալ և պահել եղբօր որբերին:
Տոշակը, որ թագուհու աջ թեն էր և բազմաթիւ
սարուկների տէր, մի անգամ վերցնելով հարիւր մարդ,
ի միջի այլոց և ինձ, գնաց աւազակութիւն անելու:
Գիշերով մի տեղ յանկարծ մի ինչ որ լոյս մեզ լուսա-
ւորեց. մի քանիսները ենթադրում էին, որ արշալոյս է.
միւսները՝ լուսին: Նշմած այդ լոյսից ընկանք ամենք
գետին, ապա գաղտնագողի մօտենալով՝ տեսանք մի անձ-
նաւորութիւն: Նա, մեզ տեսներով, կանչեց.

— Ո՞վ էք դուք, ես Գիւլանշաբցոց դեսպանն եմ,
գնում եմ Քաջաստան:

Երկար գիտելուց յետոյ տեսանք, որ դա մի արեգ-
նափայլ աղջիկ է՝ սևաթոյր ձիու վրաց նստած։ Խմբա-
պետ Ռոշակը մօտեցաւ և հարցրեց.

- Ո՞վ ես և որտեղացի՞: Նա փոխանակ սպառասփառ-
նելու սկսեց լալ: Մենք դարձեալ մի քանի հարցմունք-
ներ աւինք, բայց երբ նա և ոչ մեկին չպատասխանեց,
այն ժամանակ Պոշակը հրամայեց թողնել նրան և տա-
նել Քաջաստան. իսկ ես գնացի Գիւլանչիր:

Այս պատմութիւնը շարունակեց Ֆաթմանը, և
շատ հաւանեցին ընկերները, իսկ ես դարձեալ յուղեցի
լսելով իմ սիրելի Նեստանի պատմութիւնը։ Պատմողին
բերի տուն ու նորից պատմել տի բոլորը, ապա Քա-
ջաստանից Նեստանի մասին լուր բերելու համար երկու
մարդ ուղարկեցին Նրանք վերադառնալով, յայտնեցին
ինձ, որ պահում են խիստ հսկողութեան տակ և ուզում
են արքայազն Ռոսանի հետ պահել։

Աւթանդիլը խեղճ ու թշւառ Նեստանի պատմութիւնը լւելիս լալիս էր. Ֆաթմաթւում էր ու համբուրում Աւթանդիլին, բայց վերջինս իրան զսպում էր և մտքով երբեմն Թինաթինի (իր սիրուհու) մօտ էր սաւառնում, երբեմն էլ Տարիէլի ու Նեստան-Դարեշնանի մօտ։ Երբ Ֆաթմանը վերջացրեց թշւառի պատմութիւնը, Աւթանդիլը փառք տւեց Աստծուն, որ վերջապէս հետքը գլուխեց, միայն մի բան պարզ չէր նրա համար այն է՝ թէ Բնչպիսի մարդիկ են այն քաջերը. ուստի նրանց մասին գաղափար կազմելու համար հարցրեց Ֆաթմանին.

—Կարծեմ քաջերը անմարմին էակներ են, ուրեմն ինչներին է պէտք նրանց մեր արեգնավայլը:

—Նրանք այդ անունը կրում են ոչ թէ նրա համար, որ անմարմին են, այլ որովհետեւ անպարաելի են և յայտնի քաջեր, պատասխանեց ֆաթմանը: Աւթանդիլը միւս օրը շնորհակալութիւն յայտնելով ֆաթմանին նրա հիւրասիրութեան համար՝ պատրաստեց յետ դառնալ: Ֆաթմանը դուրս բերեց թանկագին իրեր և զգեստ. ներ ու շնորհեց նրան: Աւթանդին այդ հանդերձով անպէս զուգւեց, որ մարդ չէր հշտանալ նայելուց: Քիչ ժամանակից յետոց Աւթանդիլը կանչեց ֆաթմանին իր մօտ և ասաց.

—Մինչ այժմ դու ինձ մի վաճառական էիր կարծում և իրաւոնք ունէիր, քանի որ ես ոչինչ չեմ յայտնել իմ մասին քեզ. այժմ իմացիր, որ առաջդ կանգնած է Արաբիայի սպարապետը, ես փնտրում եմ այն խղճալի անտեսաննմանին, որի մասին դու պատմեցիր: Ապա Աւթանդիլը մի առ մի պատմեց Ռոստեան թագաւորի, Ընձենաւորի երևալու, իր Թինաթինի խնդիրքով Տարիէլին վնտրելու, Տարիէլի և Փրիդոնի հետ ծանօթանալու և հետքը գտնելու սասին, վերջը աւելացրեց.

—Ե՞կ դուն էլ օգնիր մեզ այս գործում, որ կարելի է մի կերպ գտնենք աննմանին ու ացդպիսով ազատենք այն խեղճ այրւած-խորոված Տարիէլին իր անելանելի ու մահաբեր դրութիւնից և լաւ չէր լինի եթէ մի նամակ հասցնենք Նեստան-Դարեջանին:

Ֆաթմանը համաձայնւեց: Իսկոյն գրեցին մի նամակ ու ին սուրհանդակին Նեստանին հասցնելու համար: Նամակում գրում էին Նեստանին. «Պայծառ և տաքաց-նող արեւ, չքնաղ և չնաշխարհիկ Նեստան. թէև դու

ոչինչ չես յայտնել ինձ, բայց, ես՝ ֆաթմանդ՝ գիտենա-լով բնակած անզդ, գրում եմ այս նամակը և խնդրում, որ դու էլ մի նամակ գրես քեզ համար սգացող Տարիէլին: Մեզ համար շատ կարեոր է իմանալ թէ նվազեր են քովրայ իշխողները, ուստի չմոռանաս գրել և նրանց մասին: Աւղարկիր նաև մի նշան քեզ համար դեգերող ու հեծծող Տարիէլին, ինձ մօտ է Աւթանդիլը Տարիէլիդ երգմնեղբայրը»:

Սուրհանդակը նետի պէս ոլացաւ և հասնելուն պէս ամենայն ճարպիկութեամբ նամակը յանձնեց նեստանին: Վերջինս առաջ սկսեց երկիւղից դողդողալ, բայց սուրհանդակը նրան հանգստացրեց ասելով.

—Երկիւղ մի կրիր, ես ֆաթմանից եմ ուղարկւած և նրա սորուկն եմ, ինչ դու հեռացել ես, նրա աչքը չի շորացել. նրա մօտ է այժմ մի գեղեցիկ տղամարդ Աւթանդիլ անունով, ահա այդ Աւթանդին է, որ փընտրում է և կամենում է ազատել քեզ, այս նամակն ել հէսց նրա խնդիրքով գրեց ֆաթմանը:

Կարդալով նամակը, նեստանը հառաչեց.

—Ախ, Աստւած, դարձեալ վնտրում են ինձ:

Մի քիչ յետոց նեստանը հետևեալ պատասխանը գրեց ֆաթմանին.

«Մօրիցս աւելի սիրելի և թանկագին ֆաթման, բաժանւելով քեզնից, այստեղ կարողանում եմ մի քիչ ազատ շունչ քաշել ծառայողներս շատ են, ամենքը պատում են ինձ, բայց ինչու, այդ յայտնի չէ ինձ, սրանից աւել ոչինչ չգիտեմ իմ մասին. ախ երանի արժանանամ կորածիս: Մի նամակ էլ գրեց կարօտակէզ Տարիէլին. բայց նամակից նրան ուղարկեց և իր երեսի քողը»:

Տարիէլին նա դրում էր.

Մէջքս գրիչ է դարձել, լեղիս թանաք և մեռած սիրոս թուղթ. տեսնում ես, սիրելիս, ինչպէս աշխարհը և ժամանակը բաժանեցին մեզ իրարից. քեզ սիրող սիրոս առանց քեզ ինչ անի. դառն է կեանքս, արևովդ եմ երդում, որ մինչեւ այժմ չդիտէի թէ կենդանի ես դու, կենդանութիւնդ ինձ կեանք և լոյս ներշնչեց. սիրելիս, յիշեր ինձ, քո պատճառով կորածիս: Եթէ անցած բաներս պատմելու լինեմ լեզուս կը ցամաքի: Ես երկար տանջանքներից յետոյ անցաղմելի քաջերի ձեռքն ընկայ, այնպիսի բարձրաբերդ ամրոցումն եմ նստած, որ աչքս գետնին հազիւ է համում. պահապաններս շուտ շուտ փոխում են և վայ նրան, ով կը համարձակւի սրանց մօտենալ, կրակի նման այրում են: Կարօտակէզ Տարիէլս, չլինի թէ մըտքովդ անցկացնես սրանց հետ կուել, ոչ, սրանք անպարտելի են, եթէ քեզ սպանեն՝ ես արէթի նման կայրւեմ: Քանի գեռ կենդանի եմ, ոչ ոքին անձնատուր չեմ լինի. ես քոնն եմ և քոնը կը մնամ յաւիտեան, երկրիս վրայ քեզնից աւել ոչքին չի ցանկանում ընկճւած նեստանդ:

Եթէ այստեղ չպատճեննք միմեանց, հանդերձեալում գոնեա կը տեսնենք, եթէ մեռնեմ էլ՝ սէրդ հետս սլիտի տանեմ: Կարծում եմ այս տեսակ դառնաշունչ կեանքից յետոյ մահը քաղցր կը թւայ: Մի սպար, ետ գարձիր, և միսիթարիր հօրս: Որպէս մեր սիրոյ գրաւական, ստացիր քօղդ»:

Սուրհանդակը ստանալով նամակներս քօղը բերեց, յանձնեց ֆախմանին: Երբ Աւթանդիլը բանի էութիւնն իմացաւ, վերցրեց քօղը և Տարիէլի հասցէով գրած նամակն ու ճանապարհ ընկաւ, ֆաժմանին լաւ վարձատրե-

լուց և մեծապէս շնորհակալութիւն յայտնելուց յետոյ նա ճանապարհ գցեց նաև Փրիդոնից վերցրած ծառաներին, տալով նրանց մի այսպիսի նամակ Փրիդոնին ուղղած:

Եթրկար վտանգներից և դժբախտութիւններից յետոյ, վերջապէս գտնեց Նեստան-Դարեջանի տեղը, նա Բաջաստանումն է, ես կամենում եմ ազատել նրան, յուսով եմ, որ դուք և ձեր եղբայրն էլ կօգնէք ինձ այս գործում: Ներողութիւն, որ ձեր կողմը չկարողացայ անցնել շուապում եմ Տարիէլին աւետելու. ինդրեմ ծառաներիդ լաւ վարձատրէք: Նամակը յանձնելուց յետոյ Աւթանդիլը նատեց նաւակը և ճանապարհ ընկաւ:

ԺԲ.

ՏԱՐԻԷԼ, ԱՒԹԱՆԴԻԼ ԵԻ ՓՐԻԴՈՆԸ ԱԶԱՏՈՒՄ ԵՆ ՆԵՍ-ՏԱՆ-ԴԱՐԵՋԱՆԻՆ



Յանելով քարայրը, Աւթանդիլն շտապեց աւետելու իր եղբօրը կենսաբեր լուրը: Այդ պատճառով Ճարդիէլ կանչելով գտաւ Ընձենաւորին: Վերջինս ուրախութիւնից գրից նրան և արտասւեց.

—Մի լար, սրտիս հատորի մասին քեզ հաճելի լուր եմ բերել. այն վարդը, որ մինչեւ այժմ թառամած էր, նորից բացւում է, հանգստացնելով ասում էր Աւթանդիլը: Տարիէլը չէր ուզում հաւատալ իր ականջին, որովհետեւ վաղուց նա ձեռքերը լւացել էր իր սիրուհուց: Աւթանդիլը նկատելով զրա թերահաւատութիւնը, էլ չկարողացաւ համբերել, հանեց ծոցից նեստանից ուղար-

կած քօղն ու նամակը և յանձնեց Տարիէլին։ Վերջինս քօղը շփեց երկսին, դեղնեց, ուշաթափւեց և յանկարծ տապալւեց գետին։ Զուր էր Աւթանդիլը աշխատում ուշքի բերել նրան, երկար նա մնաց կիսամեռ։ Աւթանդիլը մազերը փետելով, կուրծքը կոծելով ու հեկելով ասում էր. «Զուր չեն ասում թէ գոված արագաշարժութիւնից խելացի համբերութիւնը լաւ է. վայ եղուկիս ինչի չհամբերեցի ու այս օրը դցեցի արան. Էհ, ով է տեսել, որ մարդը անշնորհք սկսած գործը յաջողութեամբ աւարտին։ Այդ ասելով Աւթանդիլը վազ տւեց ջուր բերելու։ Զրի ափին նա տեսաւ, որ Տարիէլը մի առիւծ է սպանել. վերցրեց նրա տաք տաք արիւնը, բերեց և սրակեց Տարիէլին։ Ընձենաւորը ուշքի եկաւ և ծայրից ծացը կարդաց նամակը։ Վերջացնելով ընթերցումը, նա դիմեց Աւթանդիլին.

—Եղբայր, ես անկարող եմ արած բարութեանդ փոխարէնը քեզ հատուցանել. Ասուած թող վարձատրէ քեզ։ Եւ ի նշան շնորհակալութեան, ամուր գրկեց նրան։

—Գնանք քարայրը, և խորհուրդ անենք թէ ինչ կերպ ազատենք անզուգական սիրուհուդ, ասաց Աւթանդիլը և երկուսն էլ ուղեկորեցան դէպի քարայրը։

Ասմաթը, որ դուրսը նատած Տարիէլին էր սպասում, հեռուից երկուսին էլ ճանաչեց։ Նրա սիրտը սկսեց թընդալ ուրախութիւնից։ Մեր հերոսները մօտենալով, ուրախ ուրախութիւնից։ Աւ սմաթ, Ասմաթ, ուրախացիր, Ասուած մեզ կաղճաց, գտանք աննմանին։ Աւթանդիլը արագութեամբ իջաւ ձիուց, համբուրեց Ասմաթին և ցոյց տւաւ նամակը։ Դայեակը ճանաչեց իւր սանիկի ձեռքը և փառք տւաւ Աստծուն։ Մտնելով քարայրը Տարիէլն ասաց Աւթանդիլին։

—Երբ այս քարայրը վերցրի, ես գտայ այստեղ մի ահագին գանձարան բերնէ բերան լիքը, բայց գեռ ձեռք չեմ տւել, ուրեմն մոնենք, տեսնենք ինչ կայ։

Քառասուն դուռ կոտրտելով ներս մտան նրանք. ամենից առաջ գտան մի կնքած տապան, վրան գրած. «Այստեղ թաղւած են գիւթական զրահներ, այդ զրահներ հանողը կարող է յաղթել և սպանել հինգ թագաւորի»։ Կափարիչը դէն ձգելով նրանք հանեցին երեք ձեռք զրահ, երկու սով իրենք զրահաւորեցան երրորդը պահեցին Փրիդոնի համար։

Մի քանի օր հանգստանալուց և ահագին քանակութեամբ սկի ու արծաթ վերցնելուց յետոց, նրանք ճանապարհ ընկան Փրիդոնի մօտ։ Դեռ չհասած Փրիդոնի մօտ, Տարիէլն ասաց Աւթանդիլին. «Եկ, խրանեցնենք Փրիդոնի ձիաների ջոկը, պահապանները անշուշտ կը յայտնեն այդ բանը նրան, նա էլ դուրս կը գայ և մեզ տեսնելով՝ կուրախանաց։ Այդպէս էլ արին. Փրիդոնը լսելով մի ինչոր ազմուկ և նկատելով ծառաների խըլըրտումն, դուրս ընկաւ սպառազին ած։

Տարիէլը տեսնելով նրան ասաց.

—Ահա, որին ես ուզում էի։ Այս ասելով առաջ ընկաւ և փաթաթւեց Փրիդոնին։ «Բայց դու սպառազինւած ես, երեխ մեր գալը քեզ դուր չեկաւ, համ, որ կռւելու ես դուրս եկել», աւելացրեց Տարիէլը կատակով։ Երեքն էլ գնացին տուն, մաքրւեցան ու հանգստացան։ Սկսեց ուրախութիւն, որից յետոց վճռեցին մինչև քաշերը տուն կը վերադառնան ազատել աննմանին։ Այդ մտադրութիւնն իրագործելու համար վերցրին երեք հարիւր քաջ զինւոր, մի այդքան էլ ձիաւոր և ճանապարհ ընկան, թողնելով այդտեղ Ասմաթին, որ իրանց հետ էին բերել։

Երբ մօտեցան Քաջաստանին, սկսեցին զիշերով և շատ զգոցշմանդալ։ Հասնելով տեսան, որ քաղաքը ահա- գին լեռներով է շրջապատւած և մօտ տասը հազար մարդ պահապան կանգնած։ Այդ բանը ստիպեց նրանց խորհուրդ անել. և Մեր հարիւրը նրա հազարինը կը յաղթի, խոհե- մութեամբ գործենք. Բ' նչ անենք, որ շատ են. մեզ որակն է հարկաւոր, ոչ թէ քանակը, ասում էին նրանք։

— Ես երեխայութիւնից սովոր եմ զանազան լա- րերի և ձողերի վրայ անցնել. եկէք մի լար անցկացնենք, ես այդ լարով կ'անցնեմ, կը մտնեմ քաղաք, կը յարձակեմ և դուռը կը բանամ; դուք ել պատրաստ կացէք դրանը, որ ներս խուժէք, ասաց Փրիդոնը։

— Այդակս անյարմար է, պատասխանեց Աւթան- դիլը, — սրիդ ձայնը լսելով՝ նրանք կարող են լարդ կը տո- րել և քեզ վայր տապալել. աւելի լաւ է, ես վաճառա- կանական՝ բայց տակից զրահաւորւած՝ շորով մտնեմ; դունապաններին կոտորեմ, կողպէքը փշրեմ. և ապա դուք մոհէք, կարծեմ այդպէս աւելի յարմար կը լինի. դուք Բ' նչ կարծիքի էք։

— Ինչպէս տեսնում եմ, դուք ուզում էք յարձակ- ւել, իսկ ինձ այստեղ պարապ թողնել. Արուսեակս ինձ որ այստեղ պարապ նկատի, Բ' նչ կ'ասի. ոչ, աւելի լաւ է ամեն մէկս վերցնենք հարիւր հոգի և յարձակւենք պա- հապանների վրայ։ Ո՞նց կը լինի, որ մեզանից մի խուժք դոնեա չխորտակի դուռը և չմտնի, պատասխանեց Ըն- ձենաւորը։

Ամենքը հաւանեցին Տարիէլի տուած խորհուրդը։ Լուսացաւ։ Քաջերը կարծելով թէ ճանապարհորդներ են՝ ուշագրութիւն չդարձրին։ Մեր քաջերի յանկարծ յար- ձակւելն, քաղաքի դոներ խորտակելն ու ներս խուժելլ

մէկ եղաւ։ Քաղաքը երկրորդ գալստեան կերպարանք ստա- ցաւ։ Ամենքին անխնայ կոտորում էին. վերցրին նաև բերդը։ Այդ ժխորի մէջ Տարիէլը չէր երևում. Աւթան- դիլն ու Փրիդոնը բարձրանալով բերդը, տեսան գետնի վրայ փռւած մօտ տասը հազար մարդ. այդտեղ էր գցած նաև Տարիէլի զրահը. Մտնելով սենեակը, նրանք նկա- տեցին արևն ու լուսինը, վարդն ու սոխակը միմեանց դրկած ու պարանցով փաթաթւած։ Նեստանը կամա- ցուկ շնորհակալութիւն էր յայտնում Տարիէլին. ամենքը միաբերան շնորհաւորեցին Տարիէլին նրա յաղթութիւնը և փափագին հասնելլ։

Հաւաքելով բոլոր թանկագին ակները և բարձելով 3,000 ջորու վրայ, նրանք ուղևորւեցին Ֆաթմանի մօտ, կամենալով նրան էլ, ըստ արժանւոյն, վարձատրել։ Բեր- դում թողին վաթսուն զինւոր, որպէս պահապան։ Ճա- նապարհին ծովերի թագաւորի մօտ դեսպան ուղարկեցին խնդրելու, որ նա Ֆաթմանի հետ առաջ գայ Քաջաստան ընծայ ստանալու համար։ Մովերի թագաւորը Ֆաթմանի հետ եկաւ, բերեց Տարիէլին ոսկէ պսակն ու աթոռը, թանկագին ակներով զարդարած։ Նեստանը և Ֆաթմանը կրկին տեսնելով միմեանց հետ, համբուրւեցան, փառք տւին Սատծուն, որ կրկին արժանացրեց նրանց միմեանց տեսութեան։ Ֆաթմանը Նեստանին ընծայեց մի թան- գագին քաթիսպա, իսկ Փրիդոնին ու Աւթանդիլին միմի նժոյգ իրանց ոսկեկուռ թամբով։

Տարիէլը Ֆաթմանին ընծայեց Քաջաստանում եղած բոլոր գանձը. Ֆաթմանը չէր ընդունում, ասելով.

— Սրանից յետոյ մահն էլ կեանք է թւում ինձ, ինո չու էք զրկում ինձ աննմանիս տեսութիւնից, եթէ ուզում. էք ինձ վարձատրել, տարէք ինձ ձեզ հետ, որպէս աղախին

Մովերի թագաւորից մի նաւ վերցնելով, երեք
եղբայրն էլ նստեցին ու ճանապարհ ընկան Ասմաթի մօտ,
որին առաջուց մարդ էին ուղարկել Նեստանի ազատու-
թիւնը աւետելու։ Ասմաթը ուրախութիւնից էլ ոտի վրայ
չէր կարողանում կանգնել։ Նա հասնելուն պէս պինդ
գրկեց Դարեջանին ու էլ չէր ուզում թողնել. երկուսն էլ
յորդառաւա արցունքներ թափեցին։ Դարեջանն ասաց։

— Սիրելիս, ես իմ տանջանքովս քեզ էլ բաւական
տանջեցի, չգիտեմ ինչով պիտի երախտամացոյց լինեմ։

— Զեղ տեսնելով ողջ և առողջ՝ ես մուտանում եմ
բոլորը, փառք Բարձրելոյն. պատախանեց Ասմաթը։

Փրիդոնի մեծաւորները ընդառաջ էին եկել չնորհա-
սորելու Տարիէլին։ Ամենքը մտան մեծ պատռով ու փառքով
Մուլզազանզար քաղաքը։

Ժդ.

ԵՐԿՈՒ ՀԱՐՍԱՆԻՔ



արիէլն ու Նեստան. Դարեջանը նատած էին
ոսկեայ գահի վրայ, տակը դիմակներ փուած։ Դրանց
գլխին շաղ էին տալիս ոսկեփոշի։ Հարսանիքը կառավա-
րում էր ինքը Փրիդոնը։

Մի քանի խումբ երաժիշտներ էին նւագում։ Նորա-
պակներին մատուցին իննը բաղի ձուի չափ մարգա-
րիտ, որոնցից մինը գիշերով արևի պէս էր փացլում։
Աւթանդիլն էլ մի տապակով մարգարիտ ստացաւ։ Ամբողջ
ութ օր տեսեցին հարսանիքը և ընծայաբերութիւնները։
Հարսանիքը վերջացնելուց յետոց Տարիէլն ասաց Փրի-
դոնին։

— Գու, որպէս իմ մեծ եղբայր, քաջ գիտես թէ
որքան անձնազոհութիւններ արաւ Աւթանդիլը ինձ հա-
մար. այժմ չզիտեմ, թնչով հատուցանեմ նրան. եթէ
ասես ոչնչով, սխալւած չես լինիլ։ Մնում է աշխատել
նրան էլ արժանացնել իր փափագին, ապա թէ ոչ ես
տուն գարձողը չեմ. ուստի լաւ կանենք եթէ հէնց այս-
տեղից գնանք Արաբիա։ Աւթանդիլը երբ իմացաւ այդ
բոլորը, ծիծաղեց և ասաց Տարիէլին։

— Թինաթինս, Արաբիայի թագուհին, խաղաղու-
թեամբ կառավարում է Արաբիա և ինձ սպասում։ Նա
տանջանքների չի ենթարկւած և ոչ էլ Քաջաստանի բեր-
դում բանտարկւած, որ ազատենք նրան. իմ միակ վեր-
ջին ցանկութիւնս Տարիէլին և նեստանին Հնդկաստանի
գահի վրայ տեսնելն է, ուրեմն աւելորդ է ձեր օգնու-
թիւնը ինձ համար։ Տարիէլը չհամաձայնեց, առարկե-
լով, որ կամենում է տեսնել Աւթանդիլի մեծաւոր և բա-
րերար Ռոստեանին։ Փրիդոնը տեսնելով, որ Աւթանդիլը
համաձայն է ընտրեց ամենալուսիր ստրուկներ և ու-
ղեւորւեց Տարիէլի ու Աւթանդիլի հետ դէալի քարայրը։
Այսուղ Տարիէլը նրանց հիւրասիրեց եղջերուի մսով, Փրի-
դոնի մարդոց գանձարանից ահագին քանակութեամբ
գանձ բաժանեց, մնացածը ընծայեց Փրիդոնին ասելով.
«Դժւար թէ կարողանամ պարոքդ վճարել. բայց ասած
է բարութիւն անողի վերջը լաւ է»։

Նախ քան Արաբիա հասնելը, Տարիէլը գեսպան
ուղարկեց Ռոստեան թագաւորին ասելու։

— Ես, Հնդկաստանի թագաւոր Տարիէլ, գալիս եմ
քեզ տեսութեան. չնայած ես քեզ մի անգամ վիրաւո-
րեցի սպանելով ծառաներիդ, բայց յուսով եմ մեծա-
հոգութեամբ կը ներես ինձ. իմ քեզ մատուցանելու ըն-

ծաս ձեր սանիկ Աւթանդիլն է. Նրանից մեծ գանձ եւ չունեմ:

Այս լուրն առնելուն պէս, Բոստեանը մի խումբ ձիաւորներով առաջ եկաւ: Աւթանդիլն ամաչեց երեալ, ուստի Տարիէլ առաջ գնաց, աջն առաւ համբուրեց, չոքեց ու ասաց.

—Ձեր սանիկ Աւթանդիլը ինձ վրայ այնքան բարիք ունի, որ ես անկարող եմ երախտիքս հաստոցանել: Ահա չոգած խնդրում եմ չմերժես Աւթանդիլին տալ կնութեան քո դուստրը, նրանք իրար անհուն սիրով սիրում են. ուրեմն մնում է օրհնել նրանց և բախտաւորացնել: Բոստեան թագաւորը վերկացնելով նրան ասաց.

—Ես երկուսի համար հոգիս էլ չեմ խնայիլ, թող օրհնեալ լինին:

Աւթանդիլը համաձայնութիւն առնելով չոգեց ու համբուրեց Բոստեանին: Այդ տեղից ամենքը գնացին միասին Թինաթինի մօտ: Երբ մտան պալատը, Տարիէլը Աւթանդիլի ձեռից բռնելով՝ տարաւ նստացրեց Թինաթինի կողքին գահի վրայ: Երկուսն էլ, ինչ ասել կ'ուզի, անշափ ուրախացան: Միայն Թինաթինը մի քիչ ամաչում էր: Հայրը նկատելով այդ, ասաց.

—Դատրիկս, ինչ ես ամաչում, միթէ շգիտես գիտունների ասածը, որ անարատ սէրը միշտ յաջողութեամբ է պահկում: Աստեած ձեր երկուսիդ երկար կեանք և երջանկութիւն պարզեի. իսկ ինձ արժանացնի ձեր մի բռուն հողին: Օրհնելով գրանց, Բոստեանը յայտարարեց Աւթանդիլին Արաբիայի թագաւոր: Տարիէլը նորապսակներին շնորհաւորելուց յետոյ Թինաթինին ասաց. «Ամուսինդ եղբայրս լինելով, յուսով եմ, որ դուք էլ քոյլ կը լինէք այսուհետեւ»: Երկրորդ օրը սկսեց հարսանիք,

անթիւ ու անհամար ոչխար ու կով մորթւեցան, խմողների համար գինու 100 աղբիւր պատրաստեց. ամենքը արշալոյսից ակսած մինչեւ վերջալոյսը ուրախութիւն էին անում: Օդը թնդում էր զանազան նւագարանների ձայնով. Ոչ մի չքաւոր կամ խեղանդամ չմնաց, որ առատութեամբ ողորմութիւն չստանար: Բոստեանն էր կարգադրողը: Նա Տարիէլին իր ամուսնու հետ նստացրեց առաջին տեղում և ասաց.

—Դուք էք ամենքի լոյսը, թագաւորաց թագաւորը և ցանկալի հիւրը. ուստի ձեզ է պատկանում առաջին տեղը: Ապա Փրիդոնին նստացրեց Աւթանդիլի մօտ: Մի քիչ յետոյ սկսեց լնծայաբերութիւնը: Առաջին ընծան մասուցին Տարիէլին ու նեստան Դարեցանին: Լնծայաբերութեան նիւթերն էին՝ թանգագին ակներ, ոսկի, ալմազներ, գեղեցիկ ու արագլնթաց նժոյգներ: Մօտ մի ամիս լաւ ժամանակ անցիացնելուց յետոյ, Տարիէլը թոյլուութիւն խնդրեց Բոստեանից տուն դառնալու ասելով, որ երկիրը թշնամու ձեռին է, հարկաւոր է շտապեւ:


Բոստեանը համաձայնեց ու պատիրեց Աւթանդիլին վերցնել զօրքը և դնալ Տարիէլին օգնելու: Տարիէլը չէր համաձայնում, նա կամենում էր նորապսակներին հանգիստ թողնել: Աւթանդիլը լսելով այդ, պատասխանեց.


—Ծաղրում էք ինձ, ինչ է, ուզում էք ասեն, որ ես ամուսնուս պատճառով տանը մնացի. այդպիսի տմարդութիւն ես չեմ անիլ:

Հաւաքելով մօտ 80,000 մարդ, նրանք մեծ գժւարութեամբ բաժանեցան Թինաթինից ու Բոստեանից. Երեք թագաւոր 80,000-ի գլուխ անցնելով, հասան Տարիէլի հայրենիք Հնդկաստանը, և քիչ ժամանակից յետոյ

նրան հոչակեցին Հնդկաստանի թագաւոր։ Մի քանի
օրից յետոյ Տարիէլը կանչելով Ասմաթին ասաց. «Թան-
կազին Ասմաթո, քո արածը մեր վերաբերմամբ ոչ մի
ծնող ու դաշնակ չէ արել աշխարհում, ուստի քեզ եմ
շնորհում եօթը թագաւորութեանս մի մասը. ազատ
ես ամուսնանալ ում հետ և կամենաս։
Ասմաթը ոտներն ընկնելով շնորհակալութիւն յայտ-
նեց նրան։

Փրիդոնն ու Աւթանդիլը, Տարիէլից լաւ հիւրասիր-
ւելով դարձան իրանց հայրենիքը։
Դրանից յետոյ մեր հերոսները սկսեցին սիրով ու
խաղաղ ապրել իրար հետ և արդարութեամբ կառա-
վարել բոլորին։ Մի խօսքով դրանց հապատակները
թշւառութեան ու չքաւորութեան մասին գաղափար
չունէին։ Ըսձենաւորը, Աւթանդիլը և Փրիդոնը իրանց
անձնւիրութեամբ, ընկերութեամբ և ողորմածու-
թեամբ օրինակ դարձան ուրիշներին։





Վաճառում է բոլոր հայ գրավաճառանոցներում:

2013

23642

